



შირაქი

SHIRAKI

გამოცემის მე-80 წელი

გამოცემის 1937 წლიდან
დალოფლისწყაროს მუნიციპალიტეტის გაზეთი

№27 (9.789)

15 - 22 ივლისი 2017 წელი
ფასი: 50 თეთრი
ყოველკვირეული გამოცემა



მმ.5


ინკლუზიური სწავლება - უძღებები და გამოწვევები

აღმოცენდა, გადაწვის მავნე პრაქტიკა და ცეცხლს გატანებული ვილიონები

მმ.3



„წელს ქერი და
ხორბალი
33 000
ჰექტარზეა
დათესილი და
ის შარშანდელ
მაჩვენებელს
აღემატება...“



მმ.3

უფასო სამაგისტრო აქცია

გადაგვიარა გუგო - უნელოგის ვიზუალიზაცია

მმ.5

ლაშა ბექაური ევროპის ჩემპიონია



მმ.5



მმ.8

ეს ჯერ კიდევ დასაწყისია



ნიჭიერი და შრომისმოყვარე ბიჭის ამბავი

მმ.2

სიკეთე გადამდებია...



მმ.2

ნიჭიერი და შრომისმოყვარე ბიჭის ამბავი

სამრეკლოს საჯარო სკოლამ წარმატებით დაამთავრა მიმდინარე სასწავლო წელი. ბევრი რამ გაკეთდა სკოლაში როგორც სააღმზრდელო, ისე მატერიალურ-ტექნიკური თვალსაზრისითაც, მაგრამ ამაზე სხვა წერილში ვისაუბრებთ. ახლა კი ამ სკოლის ერთი ნიჭიერი და მშრომელი ბიჭის ამბავს მოგიყვებით, ბიჭისა, რომლის ცხოვრების წესი, ზრდილობა, სწავლის წყურვილი და მომავლის დიდი გეგმები მისაბაძია სხვა ბავშვებისათვის. **ნიკოლოზ ბოსტოლანაშვილი** 12 წლისაა, ის მეშვიდე კლასში გადავიდა. სულ პატარას გარდაცვალება მამა. კობა ბოსტოლანაშვილი მანგრძლივი და მძიმე ავადმყოფობის შედეგად სრულიად ახალგაზრდა გარდაიცვალა და მეუღლეს - მანანა ნარინდოშვილს სამი შვილი დარჩა გასაზრდელი. ცალკულად დარჩენილ სუსტ რძალს მხარში ამოუდგნენ ერთადერთი და საფიცარი ძმის სიკვდილით გამწარებული დები მანანა და მარინა ბოსტოლანაშვილები. მანანა, თავის ოჯახთან ერთად, სოფელ სამრეკლოში ცხოვრობს, მარინა კი - დედაქალაქში. ისინი საკუთარი შვილებივით ზრუნავენ ძმისშვილებზე და მათი ცხოვრების გზამკვლევები არიან. უფროსი - გურამი, უკვე 23 წლისაა, თბილისში, მამიდასთან ცხოვრობს და ამერიკის საელჩოს დაცვაში მუშაობს, შუათანა - მარინა სამრეკლოს სკოლის მეთორმეტეკლასელია. ნიკოლოზი კი უმცროსია. როგორც ზემოთაც ვთქვით, ის მეშვიდე კლასში გადავიდა, ის კი არ გვითქვამს, რომ კლასის ერთ-ერთი საუკეთესო მოსწავლეა. დიას, საუკეთესოა, რადგან მიზანსწრაფული ყმანვილი, სრულიად დამოუკიდებლად, განათლების ორ ცნობილ პროგრამაში - „კინგსსა“ და „სმარტში“ მონაწილეობს და წელიწადნახევარში ოცზე მეტი დიპლომი და სერტიფიკატი აქვს მოპოვებული. - გაგაცნობთ რამდენიმე მათგანს:

დიპლომი - ნიკოლოზ ბოსტოლანაშვილს „კინგსში“ წარმატებული მონაწილეობისათვის. მონაწილეობა დასკვნით ტურში დააფიქსირა შესანიშნავი შედეგი მათემატიკაში. 29.01.2017 წელი.

სერტიფიკატი - დოკუმენტი ადასტურებს, რომ ნიკო-

ლოზ ბოსტოლანაშვილი არის „კინგსის“ ქართული ენის ოლიმპიადის წარმატებული მონაწილე და განეწიანებულია საქართველოს საუკეთესო მოსწავლეთა კლუბში.

სერტიფიკატი - ჯილდოვდება „კინგსის“ მათემატიკის საერთაშორისო ოლიმპიადის წარმატებული მონაწილეობისათვის ნიკოლოზ ბოსტოლანაშვილი.

წარმატებული მოსწავლის სერტიფიკატი ჯილდოვდება ნიკოლოზ ბოსტოლანაშვილი



მასზე, რომ მონაწილეობს წარმატებით დაძლია „სმარტის“ მათემატიკის ოლიმპიადის ფინალური ეტაპი და წარდგენილი იყო ნომინაციაზე: მეთოდოლოგიური შერჩევა.

პატარა ნიკოლოზი ახალი სასწავლო წლისათვის ელოდება კიდევ სამ დიპლომს „კინგსის“ და „სმარტის“ საგზაუბრო ოლიმპიადებში მიღწეული წარმატებისათვის მათემატიკაში, ინგლისურში და ქართულ ენაში.

- **ნიკოლოზ, როგორც შენი „დოკუმენტები“ ლაპარაკობენ, მათემატიკა, ქართული და ინგლისურის შენთვის ყველაზე პრიორიტეტული.**

- ყველა საგანს ერთნაირი მონდომებით ვსწავლობ, მაღალი ქულებიც მაქვს, მაგრამ მათემატიკა გამორჩეულად მიყვარს, ქართულს ვსწავლობ კარგად, რადგან ქართველი ვარ და ვალდებული ვარ, ინგლისურის ცოდნა კი, დღეს აუცილებელია წარმატებისათვის.

- **კარგად სწავლისთვის, ალბათ, ბევრი დრო გჭირდება.**

- არც ისე, ორჯერ ვკითხულობ, მერე ვყვები და ვიცო, რომ 10 ქულა გარანტირებული

მაქვს. არ მიჭირს მასალის ათვისება, როგორც გინდა რთული იყოს, მთავარია, გულისყურით მოვუსმინო მასწავლებელს და ზერელედ არ წავიკითხო. არავის დახმარება არ მჭირდება, დამოუკიდებლად ვმუშაობ, ასე იქნება მომავალშიც. არ მინდა, რეპეტიტორი დამჭირდეს.

- **რა არის შენი მიზანი, ვინ გინდა, გამოხვიდე?**

- საბავშვო ბაღში პოლიციელობა მინდოდა. ახლა მთლად ბოლომდე არ გადამიწყვეტია, იქამდე კიდევ დიდი

დროა, მაგრამ მოსამართლობაზე ვფიქრობ, კარგია, როცა სამართალს იცავ, არ აძლევ უფლებას ბოროტ ადამიანებს, დაჩაგრონ სუსტები და უპატრონოები.

- **შენს წარმატებებში ვინ ასრულებს დიდ როლს, ვისი მადლიერი ხარ?**

- ოჯახში მაქვს საკმარისი კომფორტი იმისათვის, რომ ვიმეცადინო ჩემს ოთახში, ხელს არავინ მიშლის, პირიქით. მადლობელი ვარ ჩემი პირველი მასწავლებლის ია უსტიაშვილის, რომელმაც საფუძველი ჩაუყარა ჩემს ცოდნას. საყვარელი საგნის საყვარელი პედაგოგია ლია რობიტაშვილი მათემატიკაში, ქართულს კი გამოცდილი მასწავლებელი ნანა საყვარლიშვილი მასწავლის და სამშობლოს სიყვარულს მინერგავს გულში. მთელი ცხოვრება მემასხვავდება ჩემი მანანა და მარინა მამიდების მშობლიური ამბავი. ვგრძნობ, როგორ ვუყვარვარ ჩემს ძმას და თავისი ხელფასით ბევრ საჩუქარს მიკეთებს. მალე ჩემი დაბადების დღე იქნება. ველოსიპედს მპირდება, ძალიან მიხარია. გამორჩეულად გვერდში მიდგანან

მამაჩემის ნათესავები, ალბათ, მისი ხსოვნის პატივსაცემად და იმიტომაც, რომ კარგად ვსწავლობ და კარგად ვიქცევი.

- **კითხულობ სკოლისგარეშე ლიტერატურას თუ საგნების სწავლით და პლანშეტითა და ბუკით შემოიფარგლები?**

- არა, რას ბრძანდებთ, ნიგნის კითხვა ეს ჩემთვის დიდი სიამოვნებაა. ძირითადად, როგორც ქართველი, ასევე უცხოელი ავტორების მოთხრობებს და ნოველებს ვკითხულობ. ილია, აკაკი, ვაჟა არ იცოდენ, სირცხვილია, ოტია იოსელიანი და რევაზ ინანიშვილი ძალიან საინტერესოა. სათავგადასავლო ნიგნები მიყვარს, მსოფლიოს გარშემო მოგზაურობის ამსახველი. ამჯერად ოქსფორდის ენციკლოპედიას ვკითხულობ. ჩვენს კლასს აქვს ტრადიცია, დაბადების დღეზე კლასში მოგროვილი თანხით ერთმანეთს ნიგნი ვაჩუქოთ. ეს კარგი ტრადიცია ჩვენმა კლასის ხელმძღვანელმა თამარ ყორიაშვილმა დანერგა, რაც ძალიან მომწონს. ახლა სწორედ დაბადების დღის წინსწრებით მაჩუქეს ეს ენციკლოპედია, რომელიც მრავალმხრივ განვითარების საშუალებას იძლევა. რას არ წაიკითხავთ აქ - ცხოველთა სამყაროზე, მსოფლიოს ბუნებაზე, ადამიანის აღნაგობაზე, მის ორგანოებზე, მეცნიერებათა მსოფლიო მიღწევებზე. რომ დაიწყებ, ვეღარ მოწყდები, ისეთი საინტერესოა.

- **კიდევ რით ხარ დაკავებული?**

- ცოტა წონაში მოვიმატე, მეტი ვარჯიში მჭირდება ალბათ. უკვე დავდივარ კიკ-ბოქსინგზე თამაზ ყარაგვეზაშვილის გუნდში. ჩემი პირადი მწვრთნელი კი არსენ ყარაგვეზაშვილია. მინდა, ფეხბურთზეც ვიარო. ვეცდები, დრო გამოვინახო.

- **რა არის შენი მიზანი ახლო მომავალში?**

- მე გადმოვიცა სამაჯური „მე ვარ „კინგსელი“ და, აგრეთვე, თი-ბი-სი ბანკის ფასდაკლების ბარათი, რომლითაც შემიძლია წავიდე კინოში, თავტრში, ატრაქციონებით ვისარგებლო ნებისმიერ პარკში. მინდა, გამოვიყენო ეს შესაძლებლობა და თბილისში მარინა მამიდას და ჩემი ძმის დახმარებით ვნახო ბევრი ახალი ფილმი, გავეცნო თე-

ტრს და ვიკატაო მთანმინდის პარკში. რაც შეეხება სწავლას, მინდა ისე ვისწავლო, რომ დავიმსახურო პრეზიდენტის საჩუქარი ძვირადღირებული და მრავალი შესაძლებლობის მქონე ლეპტოპი.

ძვირფასო მკითხველო, ნუ იფიქრებთ, რომ მე ვალამაზებ ან ვამდიდრებ ნიკოლოზის მსჯელობას, აზროვნებას ან ლექსიკას. არა, მე გამაოცა ამ ცისფერთალებმა, საყვარელი ბავშვის შესაძლებლობებმა, ბევრი მონიჭებული ადამიანი არ აზროვნებს და ისე ზუსტად ვერ გადმოსცემს თავის ნაფიქრალს, როგორც ეს 12 წლის ბიჭი, რომელსაც, ეჭვიც არ მეპარება, წინ დიდი მომავალი აქვს. აი, რას ამბობს მასზე მისი კლასის დამრიგებელი თამარ ყორიაშვილი.

თამარ ყორიაშვილი (ასწავლის საგანს „ჩვენი საქართველო“, რაც საქართველოს ისტორიას გულისხმობს და ხელოვნებას. ის სპეციალობით ხელოვნებათმცოდნეა სიძველეთა ტექნიკური ექსპერტიზის განხრით): მეხუთე კლასიდან ვხელმძღვანელობ ამ კლასს. 14 ბავშვი მყავს - 10 ბიჭი და 4 გოგო. ბიჭების სიმრავლის მიუხედავად, საუკეთესოდ სწავლობენ, 90% 9 და 10 ქულიანია. მათ შორის გამოვარჩევ ნიკოლოზს. ის მშვიდი, განონასწორებული, ზრდილობიანი და უაღრესად გონიერი ბავშვია, ცდილობს, უმამობა არ შეიმჩნიოს და თავისი შრომით გაიკაფოს ცხოვრების გზა. უაღრესად დამოუკიდებელია, თითქმის ორი წელია, „კინგსის“ და „სმარტის“ პროექტებში მონაწილეობს და მარტო მიდის დედაქალაქში ტურების გასაწვლად. მართალია, იქ ძმა ან მამიდა ხვდება და მეურვეობს, მაგრამ მისი ტოლები ჯერ კიდევ მშობლებზე ხელჩაკიდებულნი დადიან, ის კი თავის თავზეა დამოკიდებული. უაღრესად კეთილი და უბოროტოა, თუ ვინმეს დახმარება სჭირდება, უკან არ დაიხევს. ის მშვიდად და მიზანდასახულად მიდის წინ. მე მასში წარმატებულ და მოწესრიგებულ, ღირსეულ მოქალაქეს ვხედავ მომავალში.

უფალო, შეენიე პატარა ნიკოლოზს, რომელსაც უნდა, რომ დიდი კაცი გახდეს.

ნაირა ბორაშვილი

სიკეთე გადაამდებია...

მიმდინარე წლის მაისში, სოფელ სამრეკლოში განხორციელდა პროექტი „სოფელი ჩვენი სახლია“, რომელიც დაწერილია თამარ ჯეთურიშვილის, ლალიკო გოგილაშვილისა და სალომე სიმონიძის მიერ. პროექტის ზედამხედველები იყვნენ მარიამ ჯორჯოშვილი და დანიელ თედევი, რომლებიც ეხმარებოდნენ პროექტის

ავტორებს. მათ ამ პროექტის ფარგლებში სკვერში ჩადგეს სკამები(ოთხი ცალი) და დაასუფთავეს მიმდებარე ტერიტორია, რაშიც მოსახლეობამ მიიღო აქტიური მონაწილეობა. ამ ყველაფრით კი მოხუცი ადამიანები ძალიან გახარებული იყვნენ. მათ, პენსიის ასაღებად წასულებს, დიდხანს უწევდათ ფეხზე დგომა და არ შეეძლოთ,

ამ სკამების წყალობით კი დასვენებას შეძლებენ და ამისთვის პროექტში მონაწილე ახალგაზრდებს დიდი მადლობა გადაუხადეს ამ კეთილი საქმის განხორციელებისათვის.

სულ პროექტის განხორციელებაში ბავშვებმა 706 ლარი გახარჯეს და სოფლის მოსახლეობა მოიმაღლიერეს.



ალოოზა, გაღწევის გზა პრაქტიკა და სეზონს გატანული მილიონები

წელს ქერი და ხორბალი 33 000 ჰექტარზე დათესილი და ის შარშანდელ მაჩვენებელს აღემატება...



დედოფლისწყაროში ალოოზა ძალაში შევიდა. წლებადელოფლისწყაროში კმაყოფილებას ვერ მალავენ. კლიმატურმა პირობებმა გააძლიერა და გლეხებმა, რომელთაც მინას კარგად მოუარეს და ხარისხიანი სათესლე მასალაც შეიძინეს, მოსავალიც კარგი მიიღეს. თუმცა, ალოოზის დროს მინათმომქმედების თავის ტვივილად კომბაინების დეფიციტი იქცა. გლეხები წუხან, რომ მოსავლის აღებას და დაბინავებას ტექნიკის ნაკლებობის გამო დროულად ვერ ახერხებენ, ამასობაში კი მოსავლის უდანაკარგოდ აღების რისკი იზრდება. რა ხდება ამ ხარვეზის აღმოსაფხვრელად დედოფლისწყაროში, კვლავ რჩება თუ არა ჩვენი რაიონი ხანძარსაშიშ ზონად, როგორია სოფლის მეურნეობის განვითარების პერსპექტივა, ამ კითხვებით დედოფლისწყაროს მუნიციპალიტეტის გამგებელს ნიკოლოზ ჯანაიძეს ვსაუბრობთ:

– „ალოოზა - 2017“ წარმატებულად მიმდინარეობს. თავდაპირველად, ამინდების გამო ცოტა გვიან დაიწყო მოსავლის აღება, და მოხდა ისე, რომ ალაზნისპირასაც და შირაქის ველზეც ერთდროულად შემოვიდა მარცვლოვანი კულტურები, ამის გამო მცირე სირთულე იყო კომბაინებთან დაკავშირებით. მოსახლეობაც ჩქარობდა, პირველ რიგში, ქერის აღებას და დაბინავებას. ადგილობრივმა ხელისუფლებამ, მაჟორიტარ დეპუტატთან და კახეთის მხარის რწმუნებულთან (გუბერნატორთან) ერთად ორგანიზება გაუკეთა ტექნიკის გადანაწილებას სოფლებში, სადაც ყველა ფერმერს ჰქონდა იმისი საშუალება, რომ დაეწყო მოსავლის აღება. ყველა სოფელში ორი კომბაინი მუშაობდა და მოსახლეობას ემსახურებოდა. ხოლო მას შემდეგ, რაც ალაზნისპირას მორჩა მოსავლის აღება, ის კომბაინებიც დაემატნენ შირაქს და სხვა სოფლებს და ტექნიკის დეფიციტის

საკითხი მოხსნეს. დღეისათვის, შეიძლება თამამად ითქვას, რომ ქერის აღება, ფაქტურად, დასრულებულია, რაც შეეხება ხორბალს, მისი 30% აღებულია. დღეის მდგომარეობით, შპს „მექანიზატორის“ დედოფლისწყაროს ოფისის წინ 28 კომბაინია მობილიზებული და ელის ფერმერებს, ხოლო მუნიციპალიტეტის ტერიტორიაზე შპს „მექანიზატორის“ ჩალაუნისა და ქარელის სერვის ცენტრების კომბაინებიც მუშაობს, მათი რაოდენობა 20 ერთეულს შეადგენს, ასევე მუშაობს ტექნიკა, რომელიც კერძო სექტორის საკუთრებაა-40 კომბაინი, რაც ვფიქრობ, მოსავლის დროულად და უდანაკარგოდ აღებისთვის სრულიად საკმარისია.

– როგორ ფიქრობთ, უხვი მოსავალი არის თუ არა სტიმული გლეხებისთვის, დაუბრუნდნენ მინას და თუ გაქვთ სტატისტიკური მონაცემები, რომელიც რეალურ სურათს იძლევა დამუშავებული მიწის ფართობების შესახებ?

– მოსავალი წელს, ისევე როგორც შარშან, ბარაქიანია. მოგეხსენებათ, გაზაფხულზე ნაკვეთები ქარმა დააზიანა, ფერმერებს იმედი გადაეწურათ, რომ უხვმოსავლიანი წელი ექნებოდათ, მაგრამ წვიმებმა ეს ხარვეზი გამოასწორა და დღეს, ჩვენი მუნიციპალიტეტის ტერიტორიაზე არსებულ ნაკვეთებზე მიღებული საშუალო მოსავლიანობა 3 ტონას შეადგენს, ხოლო იმ მიწის ფართობებზე, რომელიც ქარს არ დაუზიანებია, საშუალო მოსავლიანობა 4 ტონაა. უნდა აღინიშნოს, რომ 2017 წელს მიწის ფართობების რეკორდული მაჩვენებელია დამუშავებული. ნამდვილად დადებითი ტენდენციაა შეინიშნება ამ ბოლო წლებში- მეტი ადამიანი ცდილობს მიწის დამუშავებას- ჩვენს ხელთ არსებული მონაცემებით, წელს ქერი და ხორბალი 33 000 ჰექტარზე დათესილი და ის შარშანდელ მაჩვენებელს აღემატება. ასევე გაზრდილია მზესუმზირის ნათესების რაოდენობაც. ამინდებს ისეთი პირი უჩანს, რომ მისი მოსავალიც უხვი იქნება. ასე რომ, შეიძლება ითქვას, რომ ალოოზა-2017 ნორმალურ პირობებში მიმდინარეობს, ამინდის პროგნოზიც დამამხარებელია და ვიმედოვნებთ, რომ ყველაფერი წარმატებით დაგვირგვინდება- ფერმერები შეძლებენ დააბინავონ თავიანთი მოსავალი.

– ალოოზის მიმდინარეობისას ხშირია ხანძრის შემთხვევები, რომლის გამომწვევი მიზეზიც ნაკვეთების გადაწვაა. წინა წლებში გერმანიის საერთაშორისო საზოგადოების დაფინანსებით გაშენებული ქარსაფარი ზოლიც შეენიშნა გადაწვის მავნე პრაქტიკას...

– ამასთან დაკავშირებით მინდა აღვნიშნო, რომ სახანძრო-სამაშველო სამ-

სახურის ბრიგადები მობილიზებულია და შუაგულ შირაქში დამატებითი სახანძრო პუნქტია გახსნილი, 4 მანქანა მუდმივად დგას და მზადყოფნაშია, რომ ხანძრის შემთხვევა დროულად აღკვეთოს, რათა არ გავრცელდეს დიდ არეალზე. ჯერ არცერთი ხანძარი არ ყოფილა და დიდი იმედი მაქვს, რომ მოსავლის აღება ისე დამთავრდება, რომ ხანძრის შემთხვევა არ მოხდება. ამ მოძრაობის პუნქტის გარდა, მზადყოფნაში არიან დედოფლისწყაროსა და არხილოსკალოს სახანძრო-სამაშველო სამსახურები, ისინი ჩვეულ რეჟიმში მუშაობენ და რეაგირებისთვის მზად არიან. მაგრამ ვიმედოვნებ, რომ სხვა სახანძრო მანქანების დახმარება საჭირო არ გახდება. აქვე, მინდა ვისარგებლო შემთხვევით და მოვუწოდო ჩვენს მოსახლეობას, რომ მაქსიმალურად თავი შეიკავონ ნაკვეთების გადაწვისაგან, რამეთუ, გადაწვა აზიანებს როგორც მიწის ჰუმუსოვან ფენას, ასევე ძალიან დიდი რისკია სხვა ნაკვეთებზე ცეცხლის გავრცელების, ქარსაფარი ზოლების დაზიანების, რისი არასასიამოვნო პრეცედენტებიც გვაქვს წინა წლებში.

– ეს რაც შეეხება ხანძარსაინაღმდეგო ღონისძიებებს, მაგრამ რას აკეთებს ადგილობრივი ხელისუფლება ხანძრების პრევენციის მიზნით?

– დედოფლისწყაროს მუნიციპალიტეტის გამგეობა, ასევე GIZ (გერმანიის საერთაშორისო საზოგადოება), რომელიც ჩვენი პარტნიორია, საკმაოდ დიდ მუშაობას ვენეფერთ, როგორც საგანმანათლებლო კუთხით ფერმერებთან, ასევე სხვადასხვა მიმართულებით. ჩვენმა საინფორმაციო შეხვედრებმა როგორც ფერმერებთან, ასევე მოსახლეობის სხვადასხვა ფენის წარმომადგენლებთან, ბროშურების დაიგეგმა, გზებზე ამკრძალავი ნიშნების დაყენებამ, შედეგი გამოიღო - ბევრი მივიდა იმ დასკვნამდე, რომ გადაწვის მავნე პრაქტიკისაგან თავი შეიკავოს. ზედამხედველობის სამსახურის მონიტორინგის მუშაობამ, რომლებიც მოსავლის აღების პერიოდში და განსაკუთრებით, დამთავრების შემდეგ, როდესაც მიწის დამუშავება-კვლავწარმოება იწყება, იმ პერიოდში აქტიურად მოძრაობს შირაქისა თუ სხვა ნაკვეთების ტერიტორიაზე, შედეგი მოგვაცა ის, რომ შარშან, მთლიანობაში, 15%-მდე შემცირდა გადაწვების რაოდენობა. აქ საუბარია არა ხანძრებზე, არამედ ნაკვეთების გადაწვის მაჩვენებელზე. კარგია, რომ ჩვენმა ფერმერებმა დაიწყეს მართული გადაწვა, რაც იმას ნიშნავს, რომ ყველამ განახორციელა ნაკვეთის შემოწვნა მის გადაწვამდე, რაც ძალიან ამცირებს მომიჯნავე ნაკვეთზე და ქარსაფარზე ცეცხლის გადასვლის რისკს. ეს მონაცემები რომ ნამდვილია,

ამას ამტკიცებს ის მასალა, რომელიც GIZ-ის დახმარებით მოვიპოვეთ- მოხდა აეროკოსმოსური გადაღებები და წინა წლის მაჩვენებელთან მისი შედარება. ეს ზუსტი ციფრებია, რომელიც შეგვიძლია სტატისტიკის სახით მოვიყვანოთ: როგორც გითხარით, 15%-ით მოხდა ნაკვეთების გადაწვის შემცირება, ხოლო რაც შეეხება ქარსაფარ ზოლებზე ცეცხლის გავრცელებას, ის 40-45 %-ითაა შემცირებული. ასევე, ჩვენ გაზაფხულზე გვეწვდოდა საკმაოდ დიდი შეხვედრა ფერმერებთან, სადაც მუნიციპალიტეტის და GIZ-ის გარდა, მონაწილეობდა როგორც სოფლის მეურნეობის სამინისტრო, ასევე გარემოს დაცვის სამინისტრო. ძალიან მნიშვნელოვანი იყო ეს შეხვედრა და ჩვენ მივაღწიეთ იმას, რომ ჩვენი თხოვნა გაითვალისწინეს და შპს „მექანიზატორის“ კომბაინებით მომსახურების პირობებში ხალხს აღარ უნევს დამატებითი თანხის -10 ლარის გადახდა ჩოფერის გასააქტიურებლად. ჩოფერი არის მექანიზმი, რომელიც აღებულ ნამჯას აქვს მატება და ცეცხლის გავრცელების რისკი მნიშვნელოვნად მცირდება. ფერმერებმა კარგად იციან, რომ დაქუცმაცებული ნამჯა მიწის დამუშავებისა თუ მოხვნის დროს, მინაში ჩასვლისას, ფაქტურად, წვდომალად იქცევა და ბუნებრივი სასუქია მისთვის და ამ პირობებში ნაკვეთის გადაწვის აუცილებლობაც აღარ დგება დღის წესრიგში.

ჩვენ მუდმივი კონტაქტი გვაქვს შპს „მექანიზატორთან“ და მათი ინფორმაციით ცნობილია, რომ 90%-ს ჩართული აქვს ეს მომსახურება ფერმერების მოთხოვნის საფუძველზე, რაც შეეხება იმ 10%-ს, ეს მოსახლეობის ის კატეგორიაა, რომელსაც ჰყავს საქონელი და თივის პრესი მის გამოსაკვებად სჭირდება.


მინდა ვისარგებლო შემთხვევით და დიდი მადლობა გადავუხადო შპს „მექანიზატორის“ ხელმძღვანელს პაატა შევილაძეს და დედოფლისწყაროს სერვის-ცენტრის ხელმძღვანელს დავით გონაშვილს ჩვენი მოსახლეობის გვერდში დგომისთვის.

ვთვლი, რომ ზედამხედველობის სამსახურის ინსპექტირება მოსახლეობის თვითშეგნების ამაღლებასთან ერთად საუკეთესო საშუალებაა ხანძრების პრევენციისთვის. ხანძრისგან თავდაცვა კი მოსავლისა და ნაკვეთის უსაფრთხოებასთან ერთად ჩვენს კეთილდღეობაზე და ჯანმრთელობაზე ზრუნვასაც გულისხმობს- მეტი ქარსაფარი ზოლი და მწვანე საფარი კლიმატური ცვლილებების უარყოფითი შედეგების საუკეთესო პრევენციაა.

ინგა შილაშვილი

უფასო სამედიცინო აქცია

9 ივლისს, დედოფლისწყაროს მუნიციპალიტეტის გამგეობის მხარდაჭერითა და „ფრონტერა რისორსის კორპორაციის“ ინიციატივით, ქ. დედოფლისწყაროს N1 საჯარო სკოლაში, ჩატარდა უფასო საექვლმოქმედო-სამედიცინო აქცია.



ადგილზე იმყოფებოდა დედოფლისწყაროს მუნიციპალიტეტის გამგებელი ნიკოლოზ ჯანაიძე-ილი და საკრებულოს თავჯდომარე ნუგზარ პაპიაშვილი. ექიმებმა დედოფლისწყაროს მუნიციპალიტეტის მოსახლეობას ჯანმრთელობასთან დაკავშირებული ყველა პრობლემის დიაგნოსტიკა ჩაუტარეს და შესაბამისი დანიშნულებები მისცეს. კერძოდ, მოსახლეობას სამედიცინო მომსახურება გაუწიეს პროფესიონალმა ექიმებმა- კარდიოლოგებმა, ენდოკრინოლოგებმა და ქირურგ-პროქტოლოგებმა. პაციენტებს ასევე ჩაუტარდათ კარდიოლოგიური და მუ-

ცლის ღრუს ექოსკოპიური კვლევები. უფასო საექვლმოქმედო-სამედიცინო აქციით 130-ზე მეტმა მოქალაქემ ისარგებლა. ჩვენ აქციის მსვლელობისას კომენტარები ჩავინერეთ. კარდიოგრაფისტი ნინო ხეთიაშვილი ჩვენთან საუბარში აღნიშნავს, რომ კარდიოგრაფის გადაღების პროცესში რაიმე განსაკუთრებული პრობლემებს არ შეხვედრია, მოსახლეობა თითქმის ერთიდაიგივე სახის ჩივილებით მიმართავდა, მას კი, როგორც გამოცდილ კარდიოგრაფისტს, თავისუფლად შეეძლო მათთვის კარდიოგრაფის წაკითხვა და რჩევების მი-

ცემა, თუმცა, ურჩევდათ, სკოლის მეორე სართულზე განთავსებული, გამოცდილი და დედაქალაქში კარგად ცნობილი კარდიოლოგებისთვის მიემართათ მათ.

მალხაზ ბაბინაძე, კარდიოლოგი - ჩემთან შემოსულ მოსახლეობას ძირითადად წნევა აწუხებს, მაგრამ მათი უმრავლესობა, აღმოჩნდა, რომ საკმაოდ ძლიერი პრეპარატებით იწყებენ წნევასთან ბრძოლას, რაც ჩემი აზრით, გაუმართლებელია. მე მათ ვურჩიე, რომ მაქსიმალურად მარტივად დაიწყონ წნევასთან შერკინება, მაგ დროს ფეხზე მიიღონ ცხელი აბაზანები და ელემენტარული ვალერიანის ტაბლეტების მიღებით სცადონ ჯერ გამოსავალი. ადამიანს დღის მანძილზე 20 ჯერ მაინც ეცვლება წნევის ნიშნული და უმჯობესია, ის 12-დან 18 საათამდე შუალედში გაიზომონ, ჭამიდან ერთი საათის შემდეგ, მოსვენებულ მდგომარეობაში. მთვარია, მისი გამომწვევი მიზეზი შინაგანი

იყოს. მაღალი არტერიული წნევა ძირითადად ემოციურ ფონზე ვითარდება და მისი მართვა ბევრად მარტივია, ვიდრე ჩვენ გვგონია.

ზოგადი მდგომარეობა დინამიურია, რაიმე ძალიან რთული და განსაკუთრებულად საყურადღებო ვითარება ჯერჯერობით არ დამიფიქსირებია.


სამედიცინო კვლევების პარალელურად ჩატარდა ლექციები პედიატრიის საკითხებზე. პროფესორმა გიორგი ჩახუნაშვილმა წაიკითხა ლექცია თემაზე- „ბავშვთა კარდიოლოგიის აქტუალური საკითხები“, ხოლო ჩვენმა თანამემამულემ, ნარმატი-ბულმა ექიმმა დიმიტრი კიშვილმა დაწვრილებით ისაუბრა ორსულებისა და ახალშობილის შესახებ.

ივანე ცხომელიძე, ფრონტერა

რისორსის კორპორაციის „სოციალური პროექტების დირექტორი: - „უფასო სამედიცინო აქცია ჩვენი ორგანიზაციისათვის უცხო არ გახლავთ. მთელი საქართველოს მასშტაბით ხშირად ვახორციელებთ სამედიცინო კვლევებს მოსახლეობისთვის, რომლებსაც კვალიფიციურ ექიმებთან ხშირი ვიზიტის საშუალება არ აქვთ. დღეს აქ საუკეთესო სპეციალისტები იმყოფებიან და ცდილობენ, რომ ყველა მსურველს მოემსახურონ. ეს აქცია ერთგვარად არ გახლავთ და მომავალშიც გავრძელდება.“



ოცნების ხედი, ჩემი ბაჰამის კუნძულები



დღეს ბევრი ამბობს, საქართველო ემიგრანტებმა გადაარჩინესო, არ გვიჩნდა ამ რეალობის დაჯერება, მაგრამ ეს მხარე რეალობაა. არავინ იცის, ვის უფრო მეტი ტვირთი ერგო - აქ დარჩენილთ, თუ საზღვრებს გარეთ ვითომ „ნებით“, სინამდვილეში ცრემლმწარევი თვალებით იძულებითი წასვლები.

დღეს, ნახევრად უცხო ქვეყანაში და იქ ჯერ იბრძოლო საკუთარი თავის გადასარჩენად, ხოლო შემდეგ საკუთარი იდენტობის დასამკვიდრებლად... ამ პრობლემაში იშვიათები თუ ფიქრობენ ქართულ მინა-წყალზე დაბრუნებას და ჩვენი მიზნის შევსების სისხლის ყივილიც დღითიდღე მსოფლიოში იფანტება. - დაბრუნდებიან? - ხშირად ისმის კითხვა. სათქმელად ყველას სურს დაბრუნება, თუკი აქ კარგი პრობლემა შეიქმნება, მაგრამ იშვიათები ფიქრობენ ემიგრანტობის პრობლემაში იმას, რომ თავად შეიქმნან აქ ის ფონი, რათა დაბრუნდნენ.

მიუხედავად უამრავი სახელმწიფო პროგრამის მცდელობისა, რომ სოფლად თუ ქალაქად მიგრაცია შეაჩერონ, ფაქტი ერთია, მიგრაცია საქართველოში დღემდე მაინც გრძელდება და ის უფრო და უფრო მასშტაბურ სახეს იღებს. ექსპერტები უკვე იმასაც პროგნოზირებენ, რომ მალე ქართული გენოფონდი გადაშენების პირას დადგება და საქართველოში ქართველის დანახვა სანატრელი გახდება. არ ვიცი, ამას რა სახელი დავარქვათ, მსოფლიო პოლიტიკა, თუ ჩვენი უბედურება, თუმცა, ფაქტი ერთია, ტრაგიკული სცენარის წინაშე ვდგავართ, ქართველები საზღვარგარეთ იკრიფებიან, ხოლო ინდოელები, ჩინელები და არაბები ჩვენს მიწებს ისაკუთრებენ და აქ სახლდებიან.

თუ საქართველოში მცხოვრები ქართველები ლუკმის საშოვნელად საკუთარ მიწას ჰყიდიან, ქართველი ემიგრანტები უცხოეთში მუშაობენ იმისთვის, რომ ქართული მიწა და ვენახები შეიძინონ. იშვიათია ემიგრანტი, ვინც საქართვე-

ლოდან საფრანგეთში ახალგაზრდული ინტერესის გამო წავიდა, თუმცა, მაშინ არც ფიქრობდა, რომ ემიგრაციაში ცხოვრება სამშობლოს ბედზე დააფიქრებდა. იმდენად იყივლა მასში ქართულმა სისხლმა, რომ იქ ნამოვნი ორიოდე გრომით საქართველოში ვენახი იყიდა და მორეული ქვეყნიდან აქ, პატრონის მომლოდინე ვაზს ეფერება. თუმცა, ცხადია, ასე მხოლოდ გამოჩნაკისები ფიქრობენ.

ილია მხარინიძე სწორედ ასეთ ახალგაზრდათა რიცხვს მიეკუთვნება, რომელიც საფრანგეთში ემიგრაციის პრობლემაში 13 წელია ცხოვრობს და იქ ნამოვნი ფულით ორიოდე წლის წინ საქართველოში ვენახი შეიძინა. იგი ერთ-ერთი იმთავნი აღმოჩნდა, ვინც საქართველოში დაბრუნებას ფიქრობს და ამ დაბრუნების პირველ ნიშანს ქართული ვაზის გაშენება დაისახა მიზნად. დიას, საფრანგეთში მცხოვრებმა, საფრანგეთში დაოჯახებულ-დანვრილმეილებულმა ახალგაზრდა კაცმა სოფელ ძველანგაში ვენახები შეიძინა, ისე, რომ შორიდან ეფერება თავის მინა-წყალზე მოყვანილ ვაზს.

პატარა ადამიანი დიდი გულით და დიდი მიზნებით, ასე აღვიქვი მოგვარე, რომლის ოცნებამ ისე აღმაფრთოვანა, რომ მიწა, თქვენც გაგაცნობთ იგი. ადამიანი, რომელიც ემიგრაციაში მყოფი ყოველდღიურად ქართულ ვაზს ეფერება.

„ოცნების ხედი, ჩემი ბაჰამის კუნძულები“-ასე დაასათაურა ილიამ ამას წინათ თავისი პოსტი, რომელსაც მისი ვენახის ულამაზესი ფოტო ახლავს თან. იშვიათია საქართველოზე, ქართულ მინა-წყალზე და ქართულ ვაზზე შეყვარებული ადამიანი, რომელიც საფრანგეთიდან გამუდმებით ეტრფის და მოილოცვის საქართველოსკენ. მისი ოცნებაც ამ მიწაზე დაბრუნებაა.

- ილია, შენ საფრანგეთში ცხოვრობ, ბევრია მანდ ქართველი ემიგრანტი და რას ფიქრობენ ისინი საქართველოზე?

- ემიგრანტი ქართველი აქ ნამდვილად ბევრია, მაგრამ იმას ნაკლები ცდილობს, თავისი ოჯახს და ქვეყანას რამე შემატონ, თავისი თავისთვის ცხოვრობენ. უკვე ნამოვიდა ის კატეგორია, ვინც ხელი ჩაიქნია საქართველოზე და აქ სახლდება, მრავალწლიანი კრედიტებით სახლებს ყიდულობენ, სულ რაღაც 80 კვადრატისთვის მთელ ცხოვრებას მონური პრომისთვის თმობენ, როდესაც საქართველოში სამი იშვიათი სახლები აქვთ.

- თუ ასეა, შენ შენი მიზნებით გამორჩეული ყოფილხარ მათგან, რაში მდგომარეობს ეს?

- მე პატარა სახლში ცხოვრებას და მონურად შრომას, ჩემი ილალები და ჩემი ქვეყანა მიჩვენებდა. აი, იმ სურათს შეხედე სოციალურ ქსელში რომ დავდე, ყველაფერი ნათქვამი. ცა, მიწა, ვაზი, ალაზნის ველი და კავკასიონი, მაგაზე მეტი რაღა უნდა იხატოს ქართველმა? ბევრ ადგილას ვარ ნამყოფი, მაგრამ ოზანში რომ არის ცა ვარსკვლავებით მოჭედული, არსად მინახავს...

- რამდენად მძიმეა მანდ ფიზიკური შრომა, თავის დამკვიდრება?

- შრომას რაც შეეხება, უნდა იშრომო ადამიანმა, აბა რა?! უფალმა ბრძანა, ოფლი-

თა შენითაო მოიპოვე სარჩო შენით. ქართველების პრობლემა სიზარმაცია. ოზანში ერთს მივწერე, ვიცოდი, რომ დადიოდა საქმეებზე, მოიტა, ჩემს ბაღსა გადახედე, ნახე რამდენი ხანი მოუნდები და მითხარი, რა დამიჯდება დასუფთავება, გადავიხდით და იცი რა მითხრა? - ჩემი ბაღის დასუფთავება მეზარებოდა და საქათმედ გადავაკეთე, შენი როგორ დავსუფთავო. გამიკვირდა, სოფელში რომ ბაღს ვერ დაბარავ, ეს ნიშნავს, რომ არც მწვანელი გაქვს, არც პომიდორი და არაფერი. ეგეთი კაცი გაყიდის მიწას, აბა რას იზამს?! რატომ დაიფიქრა ქართველმა კაცმა შრომა და მინასთან მუშაობა, ეგაა საკითხავი, თორემ, მე ისეთი არაფერი გამიკეთებია, უბრალოდ, ჩემი მინა-წყალი და წინაპრები მიყვარს, ამიტომ შევიძინე ვენახები მეზობელ სოფელში.

- და ამ ყველაფრის პარალელურად, შენ საფრანგეთში გინახავს და აქ ოზანის მიწის ნაკვეთის დასუფთავების დარდი გაქვს, მაშინ, როდესაც აქ ხალხი იღობს ერთ სკამზე ბირჟაობს, შუადღეს - მღორეზე და საღამოს მესამეზე ადგილმონაცვლეობს, იმის მიხედვით, თუ სად უკეთესი ჩრდილია?

- სიზარმაცე ერთ-ერთი ფაქტორია იმის, რომ ჩვენი ქვეყანა იძირება ეკონომიურად. ადამიანები საკუთარ სახლს მოალამაზებენ და გარეთ ერთ მეტრს აღარ გაიხდებენ. იქ, გარეთ სხვა დადის და იმ სხვისთვის რად მოვასუფთავო, ასე ჩაიძირა საქართველო ნაკვეთი, რასაც მალე ბევრი დაავადებაც მოჰყვება და მერე იტყვიან, ეს ჩვენ რად დაგვემართაო. ქვეყანა იგივე სახლია და მის მოვლა-პატრონობაზე ყველამ ერთად უნდა იზრუნოს. არც ესაა კარგი, გავლენიანი ხალხი რომ თავის სასარგებლოდ იკეთებენ საქმეს და უბრალო ხალხისთვის კი ყველაფერს სხვა ფასად ადევს. ხალხსაც გაეზრანება და გაბოროტდებიან, ვერც გაამტყუნებ.

- რამ განაპირობა და როდის გაჩნდა იდეა, რომ საფრანგეთიდან საქართველოში ვენახები შეეძინა?

- ენერჯია რაღაცაზე ხომ უნდა დამეხარჯა, უცხო ქვეყნისთვის თავის შენირვას, ბარემ ჩემისთვის მიმეხედა, თან სანამ კიდევ რაღაცა შეიძლება, თორემ, ხომ ნახე, უცხოელების მიწის ყიდვამ გააოცმაგა ფასები. სულ მინდოდა საქართველოში რაღაცის გაკეთება, მაგრამ ვაზის თემამ უფრო სხვა-ნაირად დამანახა ცხოვრება. ვაზი ყოფილა ყველაფერი, ქართველი კაცის ანმყოც და მომავალიც და ასე დავეუკავებო მთავალი მიწას და ვაზს. ვენახი ძველ ანაგაში შევიძინე და მასთან ერთად ძვირფასი ხალხი, ვისგანაც ვიყიდე, ამ ხალხის ისტორიაც ცალკე ტრადიციად და, ალბათ, მიწეზეც, თუ რატომ ყიდის გლეხი უცხოელზე მიწას...

- თავდაპირველად, რა იყო მიზეზი იმისა, რომ თქვენ საზღვარგარეთი წასვლა გადაწყვიტეთ?

- მე წავიდი იმიტომ, რომ მანდ უიმედობა იყო და მინდოდა მენახა, ქვეყანაზე რა ხდებოდა...

- ილია, შენ აქ ისეთი საქმე ნამოწიე, რომ აღარც გეკითხები, დაბრუნდები თუ არა.

- კი, რა თქმა უნდა, ვაპირებ წამოსვლას, მაგრამ, ჯერ ეგ მეურნეობა უნდა გავმართო და პატარა შემოსავლის წყაროდ ვაქციო. დარჩენას რაც შეეხება, რატომ უნდა დავრჩე სხვა ქვეყანაში, რა, ნაკლები ქვეყანა გვაქვს? გალამაზება უნდა და გავალამაზებო. უფესვოდ ხე ფესზე ვერ იდგება და კაცი როგორ უნდა დადგეს. ჩვენი წარსული ჩვენი საძირკველია და თუ ის დავიფიქრებთ, ღმერთი არ გვაპატიებს.

- ვიცი, რომ გაყავს ოჯახი, მეუღლე, შვილები, რამდენი წლის ხართ თქვენ და იქნებ გაგვაცნოთ ოჯახი?

- 30 წლის ვარ. 18 წლის ნამოწიედი საქართველოდან, მანდ გაჭირვებული წლების



გამო, არც მიცდია ჩაბარება სასწავლებელში, აქ ორწლიანი პროფსასწავლებელი დავამთავრე, რომ ხელობა მესწავლა. სხვათაშორის, კარგად ვიყენებ ჩემს აქაურ პროფესიას და მაქვს მუდმივი სამუშაოც. ოჯახურ მდგომარეობას რაც შეეხება, მყავს მეუღლე მარიამი და ორი გოგო, უფროსი - 7 წლის ანამარია და 2 წლის თინათინი.

- თქვენი სამომავლო გეგმები მელვინეობას უკავშირდება?

- მელვინეობა უფრო სამომავლო საქმეა, მევენახეობის ლოგიკური გაგრძელება, თუმცა, მანამდე 5 შექტარზე კიდევ ვაპირებ ვენახის გაშენებას, ნელს თუ ხელი არ შემეშალა, 3 ჰა-ზე ვგეგმავ ვაზის გაშენებას, შემდეგ თუ სიკეთე იქნა, კიდევ ორზე.

- ეს ყველაფერი აქ შენს გარეშე ხორციელდება და როგორ ართმევ ყოველივეს თავს?

- კი, მყავს ხალხი, რომელიც ამას ხელმძღვანელობს, მე მხოლოდ საჭირო ფულს ვუგზავნი აქედან. მადლობა უფალს, ასეთი ადამიანები რომ მეგულებიან.

- სიკეთეს და ყველა საქმეში ხელის მობართვას გისურვებ, ილია, ყველა შენი ნამოწიედი საქმის გამართლებას და ემიგრანტობის ტვირთის შემსუბუქებას.

ლალი მხარინიძე

ახალი სიტყვა მუსიკაში

12 ივლისს მუნიციპალიტეტის გამგებობის ხელმძღვანელთა და კულტურისა და ძეგლთა დაცვის ცენტრის ორგანიზებით, გაიმართა კულტურის სახლთან არსებული ფოკალურ-ინსტრუმენტული ანსამბლ- „ისიკების“ სოლო კონცერტი (ანსამბლის ხელმძღვანელები ბესიკ ჩიტორელიძე, მღვდელ-მონაზონი მამა პანტელეიმონი). კონცერტი, რომელიც გრანდიოზულ ხასიათს ატარებდა, კულტურის სახლის წინ მდებარე ეზოში, ღია ცის ქვეშ გაიმართა. ეს გახლდათ ახალი სიტყვა დედოფლისწყაროს მუსიკალურ სივრცეში და საკმაოდ სერიოზული განაცხადი ჩვენი რაიონის ახალგაზრდა შემოქმედთა მხრიდან. აღმოჩნდა, რომ ლამაზი ჟღერადობა შეიძინა ქიზიყური ფოლკლორის და თანამედროვე კლასიკის შერწყმამ და სწორმა მუსიკალურმა ხედვამ. საღამოზე ერთდროულად იყო პრეზენტირებული აკორდეონის, ელექტროგიტარის, „იამახის“, დასარტყამი ინსტრუმენტების, ფანდურის, კლასიკური გიტარის, დოლის და ვიოლინოს კომპლექსური ხმების ჰარმონია, რაც

ანსამბლის ორწლიანი კოლოსალური შრომის შედეგი გახლდათ. იმის გამო, რომ კონცერტი ღია ცის ქვეშ ჩატარდა, ის საკმაოდ ფართო მასშტაბს იძენდა და აქედან გამომდინარე, კულტურის ეზოში საკმაოდ ბევრმა დედოფლისწყაროელმა მოიყარა თავი. კონცერტში მონაწილეობა მიიღო ზესტაფონის ფოლკლორულმა ანსამბლმა „მარგვეთი“. ისინი რამოდენიმე სიმღერით წარსდგნენ მაცურებლის წინაშე. კონცერტზე შესრულდა საქართველოს სხვადასხვა კუთხის სიმღერები. ახალგაზრდებს მხურვალე აპლოდისმენტებით აჯილდოებდა მაცურებელი.



მგებელმა, ბატონმა ნიკოლოზ ჯანიაშვილმა მიულოცა ანსამბლს წარმატებული გამოსვლა და იმ ახალგაზრდებს გადასცა სიგელები, რომლებმაც ნელს დაამთავრეს საჯარო სკოლა და ტოვებენ ანსამბლს, თუმცა, მუნიციპალიტეტის კულტურული ცხოვრების ალორძინების საქმეში უდიდესი წვლილი შეიტანეს.

დედოფლისწყაროს მუნიციპალიტეტის კულტურისა და ძეგლთა დაცვის ცენტრის დირექტორმა ნონა ჯიბლაშვილმა მადლობა გადაუხადა ანსამბლის თითოეულ წევრს, მათ ხელმძღვანელს, ცენტრის თანამშრომლებს, იმ დაუღალავი შრომისათვის, რისი შედეგიც იხილა მაცურებელმა.

კონცერტს ესწრებოდნენ: პარლამენტის სიღნაღისა და დედოფლისწყაროს მაჟორიტარი დეპუტატი ირაკლი შიოლაშვილი, ადგილობრივი თვითმმართველი ორგანოს, პრესისა და ტელევიზიის წარმომადგენლები და მუნიციპალიტეტის ახალგაზრდობა.

ლალი მხარინიძე

ღონისძიებაზე სტუმრის სტატუსით იმყოფებოდა საინგილოს ფოლკლორული ანსამბლი „ჰერულა“. დასასრულს, მუნიციპალიტეტის გამგებობის ხელმძღვანელმა მამა პანტელეიმონმა მადლობა გადაუხადა მუსიკალური კოლექტივის წევრებს და მუსიკალური კოლექტივის ხელმძღვანელს ბესიკ ჩიტორელიძეს.

ინკლუზიური სწავლება — შედეგები და გამოწვევები

ახალი სასწავლო წლიდან საჯარო სკოლებში ინკლუზიური განათლების ახალი მეთოდოლოგია დაინერგება. სპეციალური საგანმანათლებლო საჭიროების მქონე მოსწავლეთათვის განკუთვნილი ინკლუზიური სწავლების შედეგების შეჯამება გაიმართა კახეთში. დედოფლისწყაროში რეგიონულ კონფერენციას პროგრამაში ჩართული სინალი-დედოფლისწყაროს საჯარო სკოლების წარმომადგენლები და მოსწავლეთა მშობლები ესწრებოდნენ. თითოეული სკოლის შედეგები ინდივიდუალურად განიხილეს და ერთმანეთს გამოცდილება გაუზიარეს.



საანგარიშო კონფერენცია დედოფლისწყაროში ორი წლის წინაც ჩატარდა. სსმ მოსწავლეთა საჯარო სკოლებში ინტეგრირება განათლების სამინისტრომ 2014 წლიდან დაიწყო. განათლებისა და მეცნიერების სამინისტროს ინკლუზიური განათლების სამმართველოში აღნიშნავენ, რომ ინკლუზიური განათლების სერვისი ყოველწლიურად უფრო მეტ სკოლაში ინერგება. ამ დროისთვის პროგრამაში ქვეყნის მასშტაბით 7 000 მდე სპეციალური საგანმანათლებლო საჭიროების მქონე მოსწავლეა ჩართული და მათ 1 500 სპეცპედაგოგი ემსახურება. აქედან დედოფლისწყაროში — 66.

მოსწავლეთა „მშობლები“ გაზუთ „შირაქთან“ საუბრისას პროგრამის დადებით მხარეებზე ამახვილებენ ყურადღებას და ამბობენ, რომ მათი შვილების ფიზიკური მონაცემები ბოლო ხანს მნიშვნელოვნად გაუმჯობესდა და გაცილებით კონტაქტურები გახდნენ. დედოფლისწყაროში მცხოვრები ციალა თეთრაძე ერთერთია იმ მშობლებს შორის, რომელიც თვლის, რომ განათლების სამინისტროს მიერ დაწესებული პროგრამა საუკეთესოა და ის მათი შვილების განვითარებაში სრულიად უსასყიდლოდ ეხმარება.

„ლანა 9 წლისაა, დაუნის სინდრომით დაიბადა, ძალიან ჩაკეტილი იყო, არ აქტიურობდა. შემდეგ გავიგე ინკლუზიური განათლების შესახებ და ამ პროგრამაში ჩავერთეთ. მას შემდეგ ჩემი შვილი ძალიან შეიცვალა. შესანიშნავი პედაგოგები გვყავს, რომლებიც ძალიან გვეხმარებიან მის აღზრდასა და განვითარებაში. ლანას ტყუპისცალი ძმაც ძალიან დაგვეხმარა, ძირითადად მისგან ისწავლა თამაშის წესები და მეტყველება. ამ პროგრამის შედეგებს რომ ვაკვირდები, საგრძობლად შეცვლილია. ხატავს, მხარეთმცოდნეობის მუზეუმში ხელგარჯილობის წრეზე დადის, ხშირად იმართება მისი გამოფენები, რაც დიდი სიხარული და სტიმულია, როგორც თავად ლანასთვის, ასევე ჩვენთვის. ეს პროექტი რომ არ ყოფილიყო, არ ვიცი, რა გვეშველებოდა, თუმცა, ფაქტია, რომ ბევრად დაზუიტირებული დარჩებოდა და ვერ შევძლებდით მის საზოგადოებაში ინტეგრაციას და უნარების გაუმჯობესებას. ასეთი წარმატებები ქალბატონ ირინა ფიროსმანაშვილის დამსახურებაა, რომელმაც ხაზების მეშვეობით ასწავლა ხატვა, ფიგურების ცნობა, ანბანი და მეტყველება. სპეციალური მდგომარეობის შქონდა და ამ მასწავლებლის ძალიან მაღლობელი

ვარ. ასევე ჩვენი სკოლის დირექტორის მხრიდან დიდი ხელშეწყობა. სპეციალური რესურსთათვის მოაწიეს სკოლაში, რომელიც საჭირო ნივთებითა და ინვენტარით საუკეთესოდაა მოწყობილი. სკოლამ ისეთი ნივთები შეიძინა, რომელიც ლანას განვითარებისთვის პრინციპულად მნიშვნელოვანი იყო და შედეგიც მივიღეთ. ეს პროგრამა რომ არ ყოფილიყო, ამ ყველაფრის უზრუნველყოფას ოჯახი ვერ მოახერხებდა და განვითარების ამ დონეს ვერ მივალწვდით. ამიტომაც დიდი მხარდაჭერა და თანადგომა ჩვენთვის, მითუმეტეს, რომ ეს ყველაფერი უსასყიდლოდ მივიღეთ და არცერთი თეთრი არ დაგვხარჯვია ამ პროცესში. კიდევ ერთ მასწავლებელზე — დოდო ხუციშვილზე მინდა აღვნიშნო, ისიც საოცარი მონომენტითა და დიდი სიყვარულით ურთიერთობს ბავშვებთან. კლასელებს ძალიან შეაყვარა ლანამ თავი და უნდა ითქვას, რომ არ არჩევენ სხვა თანატოლებისგან. მის გარეშე არ თამაშობენ და ცდილობენ, ერთად იყვნენ და ყველაფერში ჩართონ. დღეს ჩემი შვილი მხოლოდ ინკლუზიურ კაბინეტში არ დადის, ის ყოველდღიურად ესწრება გაკვეთილებსაც. ყველანაირად შეიცვალა, ამიტომაც მე ძალიან ბედნიერი ვარ, ამ მცირე დროში მიღწეული დიდი შედეგები.“ — აღნიშნავს მშობელი ციალა თეთრაძე.

კონფერენციაზე მოხსენება წარმოადგინა ოზანის საჯარო სკოლის სპეცპედაგოგმა ხათუნა ხოსიტაშვილმა. მან მონაწილეებს მათი სკოლის სსმ მოსწავლეთა მონაცემები გაცნო და მიღწეულ შედეგებზე გაამახვილა ყურადღება. **სათუნა ხოსიტაშვილი (ოზანის სკოლის სპეცპედაგოგი):** „ოზანის საჯარო სკოლაში სპეცპედაგოგად მუშაობა ორი წლის წინ დავიწყე, ამ დროისთვის სამი სპეციალური საგანმანათლებლო საჭიროების მქონე მოსწავლე გვყავს. უკვე გვაქვს სერიოზული შედეგები. სხვადასხვა დარღვევის ბავშვები გვყავს, რომელთაც აქვთ გონებრივი და მეტყველების პრობლემები. უკვე მივაღწიეთ იმ მიზნებს, რაც თავიდან დავისახეთ. შეგვიძლია ვთქვათ, რომ დამაკმაყოფილებელ შედეგზე გავიდეთ. თუ თავდაპირველად მათ წერა-კითხვა არ იცოდნენ, ამჯერად უკვე აქვთ გარკვეული მიღწევები აკადემიური უნარების განვითარებაში. სკოლის შენობაში საუკეთესოდ მოწყობილი რესურსთათვის გვაქვს, რომელიც საჭირო გარემოს ქმნის სსმ მოსწავლეთა განვითარებისთვის. ჩვენი დიდი ენთუზიაზმით ვმუშაობთ მათთან და შედეგიც არ აყოვესებს.“

განათლების სამინისტროს წარმომადგენლები განმარტავენ, რომ მათთვის პრინციპულად მნიშვნელოვანია ამგვარი კონფერენციები რეგიონებში ტარდებოდეს, რადგან მუდმივად ადგილზე მოხდეს ყველა მიღწევის, გამოწვევისა თუ პრობლემის განხილვა. ამიტომაც ტრადიციულად დამკვიდრდა დედაქალაქის ნაცვლად ამგვარი კონფერენციები რაიონებში შედგეს. ამასთან, სამინისტროს მიდგომაა სსმ ბავშვების ინტეგრაციის პროცესი ჩვეულებრივ საჯარო სკოლაში მიმდინარეობდეს, ვიდრე განცალკევებით. უწყება ასე გაცილებით უფრო დიდ ეფექტს ელის და მიიჩნევს, რომ სსმ ბავშვების განათლებას ჯანმრთელი მოსწავლეების გვერდით უნდა იღებდნენ.

ქპ ღებუაშაძე (განათლების სამინისტროს ინკლუზიური განათლების სამმართველოს უფროსი): „ყოველი სასწავლო წლის ბოლოს ტრადიციულად გვაქვს, რომ კახეთის რეგიონულ კონფერენციებს ვმართავთ და შედეგებს ვაჯამებთ. სპეცპედაგოგები წარმომადგენენ კონკრეტულ მაგალითებს, მოსწავლეთა მდგომარეობას და გვიხიარებენ იმ გამოწვევებს, რომლებიც სისტემაში არსებობს. ასე ღიად ვმსჯელობთ, რადგან ჩვენი სურვილია, ერთმანეთს გაუზიაროთ როგორც მიღწევები, ისე ხარვეზები და ერთად ვიზრუნოთ შედეგების გაუმჯობესებასა და კიდევ უფრო დახვეწებაზე. ფიქრობთ, ეს ფორმატი უფრო წარმატებული იქნება. ჩვენი მიზანია, ყოველთვის ადგილზე გავეცნოთ და სამომავლოდ ხელი შევუწყნოთ ინკლუზიური სწავლების კიდევ უფრო განვითარებას. რაც შეეხება განათლების სამინისტროს მხარდაჭერას, მომავალი სასწავლო წლიდან ვგეგმავთ ინკლუზიური სწავლების ახალი მეთოდოლოგია დაწესებით, ეს ინფორმაცია თითოეულ სკოლას და მასწავლებელს მიენიშნება. პარალელურად მიმდინარეობს მონიტორინგის პროცესი თითოეულ სკოლაში, რომლის შედეგები წლის ბოლოს გვექნება. მომავალ წელს ასეთი კონფერენციის ჩატარება უკვე თელავში იგეგმება.“

თამარ ტუხაშვილი (კახეთის მულტიციტობიური გუნდის წევრი): „წელს შევეცადეთ კონფერენცია წინა წლებისგან განსხვავებული ფორმატით ჩაგვეტარებინა და დღის წესრიგში შევიტანეთ მოსწავლეთა მშობლების დასწრება

და მათი მოხსენებით გამოვსლა. გასულ წლებში უფრო მეტად სპეცპედაგოგების მონაწილეობაზე ორიენტირებული ვიყავით და ახლა საშუალება მივეცი მშობლებსაც გამოეხატათ თავისი პოზიცია. ინკლუზიური სწავლებას ჩვენ სხვადასხვა სფეროს წარმომადგენლებთან ერთად ვანხორციელებთ და დედოფლისწყაროშიც ასეა, ადგილობრივ ხელისუფლებასა თუ სხვა არაერთ ადამიანთან მჭიდროდ ვთანამშრომლობთ. ზოგადად უნდა ითქვას, რომ სინალია და დედოფლისწყაროს რაიონები ძალზე აქტიურად თანამშრომლობენ სამინისტროსთან და მაქსიმალურად არიან ჩართულნი ამ პროცესში. ბუნებრივია, კონფერენციაზეც აღინიშნა, რომ ეს არ არის იდეალური შედეგი, რაც მიზნად გვაქვს დასახული, თუმცა, ამკარაა, რომ თითოეულ სკოლაში დიდი მოტივაციაა, რომ ვითარება კიდევ უფრო გაუმჯობესდეს და ეს ოპტიმიზმის საფუძველს გვაძლევს. იზრდება პროგრამაში ჩართული სკოლების და მოსწავლეთა ოდენობაც. დედოფლისწყაროდანაც კიდევ არის შემოსული მოთხოვნა, მიმდინარე ზაფხულის განმავლობაში თითოეული მოსწავლის მდგომარეობა შეფასდება, ჯგუფი შეისწავლის მათ მონაცემებს და ამის მიხედვით დაკმაყოფილება მოთხოვნა.“

ქპ ზურაბიშვილი (დედოფლისწყაროს საგანმანათლებლო რესურსცენტრის უფროსი): „წელს ერთი სკოლა კიდევ დაემატება. ქვემო ქედის საჯარო სკოლიდან არის მოთხოვნა შემოსული, შეფასება მიმდინარეობს და ახალი სასწავლო წლიდან დაკმაყოფილება მათი განაცხადი. დედოფლისწყაროში 15 სკოლაა, აქედან 14-ში ინკლუზიური სწავლება დაინერგა. ჯამში მუნიციპალიტეტში სულ 66 სსმ მოსწავლეა რეგისტრირებული. ყველა სკოლაში საუკეთესოდაა მონებილი რესურსთათები. მიმდინარეობს გუნდური მუშაობა, ეს კი თითოეულ მოსწავლეს დადებითად აისახება. სხვადასხვა აქტივობებს უფლებიან და ჩართულნი არიან. თვალსაჩინო მაგალითია იმისა, რომ ჩვენი მოსწავლეები ჩაერთვნენ მუზეუმში არსებულ ხელგარჯილობის წრეზე, ხელნაკეთი ნივთები დაამზადეს, გამოფინეს და გაყიდეს, რაც ძალიან წარმატებული ნაბიჯი აღმოჩნდა და დიდი სტიმული მიეცათ როგორც თავად მოსწავლეებსა და მათ ოჯახებს, ისე პროექტში ჩართულ პედაგოგებს. დიდი მადლობა უნდა ვითხრათ მუზეუმის თანამშრომლებს მხარდაჭერისა და დახმარებისთვის. ასევე დიდი წვლილი შეიტანა ხორნაბუჯის საჯარო სკოლის სპეცპედაგოგმა ჟანა ბაბაიანცმა. ჟანა მასწავლებლის ინიციატივით, დიდი სურვილი არსებობდა, რომ ინკლუზიური სწავლებაში ჩართული მოსწავლეებისთვის მოგვეწყო ექსკურსია, რაც მათთვის ძალზე შთაბამებელი იქნებოდა და ცნობიერების ამაღლებაში დაეხმარებოდა. პროგრამას ამისათვის საჭირო ფინანსური სახსრები არ აქვს, ამიტომ ამ იდეას ადგილობრივმა ხელისუფლებამ დაუჭირა მხარი. დედოფლისწყაროს გამგეობის დაფინანსებით ისინი მშობლებთან და მასწავლებლებთან ერთად შიომღვიმეში გაემგზავრნენ და ძალიან შედეგიანი აღმოჩნდა, რადგან მთელი დღე ერთად გაატარეს.“

ილია მარტყოფლიშვილი

გადამწვარი ტუმბო-უწყლტობის მიზეზი

უკვე რამდენიმე დღეა, სოფელ ფიროსმანის ერთ ნაწილს წყალმომარაგება შეუწყდა, რაც ადგილობრივების უკმაყოფილებას იწვევს. „შირაქი“ დაინტერესდა, რამ გამოიწვია შეფერხება და არაღის აღმოიფხვრება პრობლემა. როგორც სოფელში გამგებლის წარმომადგენელი ვალიკო აბაშიძე გაზუთ „შირაქთან“ განმარტავს, მიზეზი წყალსაქარის დაზიანებაა. ადგილობრივი ზაფხულის ცხელ დღეებში უწყლობით გამოწვეულ სირთულეებზე ამახვილებენ ყურადღებას და დახმარებას ითხოვენ. როგორც გაირკვა, ამ სოფლის წყალმომარაგება „გაერთიანებული წყალმომარაგების კომპანია“ არ გადასცემია, ამდენად მასზე ზედამხედველობას ადგილობრივი თვითმმართველობის ორგანო ახორციელებს.

რუდღება. „11 ივლისს ერთერთ ჭაბურღილზე წყლის ტუმბო გადაინვა. შედეგად, სოფლის ერთ ნაწილს წყალს ვეღარ ვწვდით. დაზიანების-დანაწევ შედეგებით ხარვეზის აღმოფხვრას, ვცდილობთ ოპერატიულად და მაქსიმალურად მოკლე დროში შევძლოთ აღდგენა, რომ დისკომფორტი და გარკვეული პრობლემები თავიდან ავიცილოთ. უკვე გამოცხადებულია ტენდერი, რის შედეგადაც გამარჯვებული კომპანიის ვინაობა 19 ივლისამდე უნდა გაირკვას. მას შემდეგ, რაც გამოვლინდება კომპანია, რამდენიმე დღეში შეგვეძლება შესაბამისმა კომპანიამ ახალი ტუმბოები მოგვანდოს და გამოვცვალოთ. ფიქრობ, ერთი კვირის ვადაში ეს პრობლემა აღმოიფხვრება და ადგილობრივებს სასმელი წყლის პრობლემა აღარ ექნებათ. ვინაიდან ამ სოფელში ტუმბო გასულ წელსაც დაინვა, ამჯერად თადარიგი დაეჭირეთ და

ტენდერი ორ ტუმბოზე გამოაცხადეთ, რომ საჭიროების შემთხვევაში პრობლემის აღმოფხვრამ დამატებითი დრო არ ნაილოს. მოგესვენებათ, სატენდერო პირობები ვადად მოითხოვს და ამას დრო მიაქვს, ეს კი განსაკუთრებით ზაფხულის დღეებში რთული ანაბანია. ამჯერად მეორე ტუმბოს შევინახავთ და როცა გადაუდებელი აუცილებლობა იქნება, გამოვცვლით. ამ ტუმბოებით წყალი ცენტრალურ რეზერვუარში იტუმბება, იქიდან კი მოსახლეობასთან თვითინებით ნაწილდება.“

შენუხებულები მოგვმართავენ, რომ წყალი არ აქვთ. სოფელს სულ სამი ჭაბურღილი ემსახურება, ორი მათგანი ამჟამადაც შეუფერხებლად მუშაობს. მოსახლეობას ვუხსნი, რომ უკვე გამოცხადებულია ტენდერი და ველოდებით ახალი ტუმბოს შექმნას. რაც შეეხება გრაფიკს, მიუხედავად იმისა, რომ ცხელი დღეებია, ყოველდღიურად ვახერხებთ წყლის მიწოდებას. ადრე გაცილებით დიდი პრობლემები იყო სოფლის წყალმომარაგებაში. გასულ წლებში ხანსამ დღეში ერთხელ მოდიოდა, ხან ისიც ვერ ხერხდებოდა. ვითარება 2013 წლის შემდეგ გაუმჯობესდა და ამას თითოეული მოსახლე გრძობს. ყოველდღიური მიწოდება გვაქვს და სადაც წყლის დბეტი საშუალებას გვაძლევს იმ უბნებში 24 საათიანი მომარაგებაც გვაქვს, რაზეც ადრე ვერც ვოცნებებდით.“ — აღნიშნავს სოფლის რწმუნებული.

ილია მარტყოფლიშვილი

ლაშა ბექაური - მსოფლიოს ჩემპიონია

„დიდი სიხარული იყო, რომ საქართველოს დროშა ყველაზე მაღლა აწიეს, ქვემოთ კი რუსულ დროშას ვხედავდი“

ლიტვის დედაქალაქ კაუნასში გაიმართა ევროპის ჩემპიონატი ჭიდაობა ძიუდოში, სადაც საქართველოს ნაკრებიც მონაწილეობდა. ჭაბუკთა შორის კახეთის რეგიონიდან ორი სპორტსმენი ევროპის ჩემპიონი გახდა. დედოფლისწყაროდან ლაშა ბექაური 73 კგ წონით კატეგორიაში და თელავიდან მიხეილ ბახვაშვილი 66 კგ. წონით კატეგორიაში.

სოფელ არხილოსკალოში მცხოვრები ლაშა ბექაური 17 წლის მომავალ კვირას გახდება, თუმცა, ხანმოკლე სპორტული კარიერის მიუხედავად მიღწევებით სატრიაზო ნამდვილად ბევრი აქვს. ევროპის ჩემპიონატზეც ნათლად გამოჩნდა, რომ პერსპექტიული ახალგაზრდაა. სხვათაშორის, ამ სოფელში შესაბამისი სავარჯიშო პირობები არასოდეს ყოფილა, მაგრამ ადგილობრივებისთვის ამას ხელი არ შეუშლია ნარმატებების დიდი მწვერვალები დაეპყროთ. ამაში დასარწმუნებლად და ევროპის ჩემპიონატის დეტალებზე სასაუბროდ გაზეთი „შირაქი“ თავად ჩემპიონს და მის მწვრთნელს შეხვდა.

კახა ნიკლაური (მწვრთნელი): „ეს იყო ევროპის პირველობა ჭაბუკთა შორის და ლაშამ ძალიან გვასახელა. პირველ რიგში მინდა მივულოცო მის ოჯახს, მშობლებს, უფრო დიდი წარმატებებით გაეხარებინოს ყველა ჩვენგანი. ასევე, ვულოცავ ჩვენს მშობლიურ სოფელს, არხილოსკალოს, სადაც ამ წარმატებით ძალიან ხარობენ და დღემდე ყველა ამაზე საუბრობს. მთელი ქედების ზონა და დედოფლისწყარო ზეიმობს, ყველას მივულოცავ, მათ შორის დედოფლისწყაროს მუნიციპალიტეტს და სპორტის სამსახურს, რომელიც ძალიან გვეულოშმატკივრობდა.“

რა მნიშვნელობის ჩემპიონატი იყო და რა მოლოდინი გქონდათ?

ძიუდო ძალიან პოპულარული სპორტია, აქედან გამომდინარე დიდი კონკურენცია აქვს. მითუმეტეს ევროპის ჩემპიონატი იყო, კონტინენტის პირველობაზე თითქმის ყველა ქვეყანა იღებდა მონაწილეობას და საუკეთესო სპორტსმენები იყვნენ წარმოდგენილნი. ამ უაღრესად დაძაბულ ბრძოლებში ჩვენმა სპორტსმენმა, ლირსეულად გაართვა თავი, ლაშამ ყველა შეხვედრა აშკარა უპირატესობით დაასრულა და პირველი ადგილი დაიკავა. ამის მოლოდინი ნამდვილად მქონდა. იყო დაძაბული შეხვედრები, განსაკუთრებით გამოყოფილ რუს მონაწილემდეგ, მას ჰქონდა განწყობა, რომ ლაშას დაამარცხებდა, მაგრამ ვერ შეძლო.

რამდენად მზად იყო ლაშა ახელა ასპარეზისთვის და როგორ შეაფასებთ მის გამოსვლას?

ლაშა ძალიან მეტძოლი ხასიათის სპორტსმენია. ბავშვობიდან ასე იყო. ყველანაირ სირთულეს სძლეეს, არასოდეს ნებდება და არ უჭირს დაბრკოლებების გადალახვა. პირველად 8 წლის ასაკში შემოვიდა ჩემთან და ვარჯიში რომ დაიწყო, მაშინვე გამოირჩეოდა. ძალებს არ ზოგავდა



და უბრალო რიგით ვარჯიშზეც კი შეეძლო მთელი ენერჯია ჩადო. პირველივე დღეებში შევატყე, რომ მასში პოტენციალი იყო და იმედინადა ვუყურებდი მის მომავალს. სულ ვეუბნებოდი, თუ ასე გააგრძელებდა, დიდ სპორტს აუცილებლად ეზიარებოდა. მართლაც, ყოველთვის მიჯერებდა და ამ შემართებით მოდის დღემდე. ახლა კი უკვე ვხედავთ მის შედეგს და რეალობაა, რომ დიდ სპორტში ჭიდაობს. ახელა მნიშვნელობის ჩემპიონატზე პირველი ადგილი დაიკავა, როგორც პირად პირველობაში, ასევე გუნდურ პირველობაში.

თავიდანვე ჩანს ხოლმე, მომავალში რა შეიძლება გამოვიდეს ამა თუ იმ სპორტსმენისგან?

კი, რა თქმა უნდა, ლაშას შემთხვევაში მონაცემები თვალშისაცემი იყო. პირველივე შედეგი 10 წლის ასაკში, ანუ ვარჯიშის დაწყებიდან მეორე წელს გვაჩვენა. საქართველოს პირველობა გაიმართა ქართულ ჭიდაობაში და ლაშაც გაიყვანეთ და საქართველოს ჩემპიონი გახდა. იქვე გამოჩნდა, რომ დიდი პერსპექტივა ჰქონდა. მომდევნო წელს ძიუდოში ჩატარდა, იქ თავისი ასაკის მეტოქე ვერ მოიძებნა და ამიტომ უფროს მონაწილემდეგს შეახვედრეს და იქ მესამე ადგილზე გავიდა, ასევე თავის ასაკში საქართველოს ჩემპიონი გახდა და აქედან მოყოლებული საქართველოს პირველობას თითქმის ყოველწლიურად იგებდა.

ეს არის სანყისი ასაკი, საიდანაც მომზადებას იწყებენ და ჭაბუკთა ნაკრების შევსება ხდება, ამიტომ ამ აკასში ასეთი წარმატება ძალიან მნიშვნელოვანია. მომავალში უკვე დიდების კატეგორიაში გააგრძელებს ბრძოლას და მნიშვნელოვანია რომ ახელა გამოცდილება შეიძინა. გარდა იმისა, რომ ჩემპიონი გახდა და პირველ ადგილზე გავიდა, ეს უდიდესი გამოცდილებაა, რაც სამომავლოდაც გაველნას იქონიებს.

ლაშა, რამდენი ორთაბრძოლა გამართე და ემოციებზე გვიამბე, ვინ იყვნენ მეტოქეები?

ლაშა ბექაური: „ძალიან ძლიერი შეჯიბრი იყო, მთელი კონტინენტი მონაწილეობდა და სასურველი შედეგის მიღწევა ყველა მათგანს უნდოდა. ამჯერად სულ ხუთი შეჯიბრის ჩატარება მომინა. ხუთივეში წარმატებით ვიასპარეზე. პირველი შეხვედრა პოლონელ ძიუდოსტთან მქონდა, შემდეგ ისრაელიდან, შემდეგ რუსს შეხვედი, ფინალში გადასასვლელად თურქ მეტოქესთან მომინა შერკინება, ხოლო ფინალში უკვე იტალიელ ძიუდოსტთან ვიჭიდავე. რა თქმა უნდა, გამიჭირდა, რადგან გამარჯვება ყველას უნდა, მაგრამ რამდენად გამოვივა, ესაა მთავარი.“

ყველა იბრძვის ბოლომდე. ძალიან დიდი ბედნიერება ჩემთვის, რომ გამარჯვება შევძელი, ახელა წარმატებას მივალნი. ბედნიერი ვარ იმით, რომ ოჯახი და ჩემი ქვეყანა ვასახელე. ჩემი დედოფლისწყარო და არხილოსკალო რომ გავახარე. სასიამოვნოა, რომ ჩემი ქვეყნის სახელი ქვეყნის საზღვრებს გარეთ გამაქვს და საქართველოს სახელით წარმატება მომაქვს. უცხო ქვეყანაში ჩემი დამსახურებით ჩემი ქვეყნის პიში რომ აულერდება, ეს საამაყო ჩემთვის. ცხოვრებაში ასეთ დიდ ჩემპიონატზე პირველად ვმონაწილეობდი, ახელა წარმატებას პირველად მივაღწიე და ასეთი ბედნიერი მართლა არასოდეს ვყოფილვარ.

გქონდა მიზნად, რომ ევროპის, ან მსოფლიო ჩემპიონატებზე გასულიყავი?

რა თქმა უნდა, ბავშვობაშიც მიფიქრია ამაზე. კახა მასწავლებელი მუდმივად ისე გვესაუბრებოდა ამ წარმატებებზე, რომ შეუძლებელია, არ შემყვარებოდა და დაუოკებელი სურვილი არ გამჩენოდა. ნაკრებთან ერთად გავიარე შეკრებები და მზადება. მათთან ერთად მოვემზადე ამ ასპარეზობისთვის. სპეციალურ რეჟიმში ვიყავი, ვარჯიშებზე ბოლომდე ვიხარჯებოდი და, ღმერთის ნყალობით, შრომა დამიფასდა. ამჯერადაც თბილისში ვაგრძელებ ვარჯიშს.

ვიცი, რომ სხვა წარმატებებიც გქონდა...

რუსეთის ქალაქ ტულაში ჩატარდა ევროპის თასი, სადაც გავიმარჯვე, შემდეგ პოლონეთში ჩატარდა ჩემპიონატი, იქაც ჩემპიონი გავხდი. რომ ვიხსენებ, ჩემთვის ყველაზე ემოციური მაინც რუსეთში გამოსვლა იყო. ცნობილია რუსეთის დამოკიდებულება ჩვენს ქვეყანასთან და ამიტომ გამორჩეული დამოკიდებულება მქონდა იქ გასამართ ბრძოლებთან. რუს ძიუდოსტს შევხვდი ფინალში. შეხვედრას თითქმის ვაგებდი, ბოლო ნაშეში ენერჯის მოზღვაება ვიგრძენი, მოვახერხე ვითარების სასიკეთოდ შემობრუნება და საბოლოოდ ბეჭებზე დავდე. დიდი სიხარული იყო ის, რომ პირველ ადგილზე გავედი და საქართველოს დროშა რუსეთის მიწაზე ყველაზე მაღლა აწიეს, პირველი ადგილი მიუჩინეს და მის ქვემოთ მათ დროშებს ვხედავდი.

დიდი მადლობა მინდა გადავუხადო ჩემს პირად მწვრთნელებს, როგორც კახა ნიკლაურს, ისე ლექსო ლეინიაშვილს. ძალიან გვერდით მიდგანან და კარიერის განვითარებაში ხელს მინწყობენ. სოფელში პირველ დღეებს რომ ვიხსენებ, არანაირი ინვენტარი არ გვექონდა და ჩვენით ვახერხებდით რაღაც დეტალების გამოკონებას და შექმნას. ახლა ვითარება შეცვლილია და შედარებით გაუმჯობესება იგრძნობა.

კახა ნიკლაური: „სოფელში არანაირი ინფრასტრუქტურა და შენობა არ იყო. ძალიან რთული გზა გავიარეთ. სოფელ-სოფელ ვიარე, თითო ლეიბი შევავაროვე, ვის არ ვთხოვე, რომ ელემენტარული პირობები შეგვექმნა. სკოლის ერთ პატარა ოთახს შევეკედლე და ასე დავიწყეთ

ვარჯიში. მეც ენთუზიაზმზე და სპორტის სიყვარულით ვწვალვოდი და ბავშვებიც მომდევდნენ. პირობების არარსებობის მიუხედავად შედეგები ყოველთვის თვალშისაცემი იყო, რამაც ჩვენი ენთუზიაზმი გამამაფრა და მეტი შემართება გვექონდა. თოკიც არ გვექონდა, რომ სპორტსმენს ევარჯიშა, არც ინვენტარი იყო, რომ ბავშვებს დატვირთვა მიეღოთ. ძველი ლეიბები გვექონდა და ასე ვვარჯიშობდით. ძალიან უყურადღებოდ ვიყავით ხელისუფლების მხრიდანაც და ბიზნესისგანაც, არავითარი დახმარება არ მიგვიღია. ადგილობრივ ხელისუფლებასთან ხშირად დავაყენე ჩვენი მდგომარეობა, იყო დაპირებები, მაგრამ წლების მანძილზე მხოლოდ დაპირებებად რჩებოდა.“

ახლა რა ვითარებაა, თუ გაუმჯობესდა თქვენი პირობები?

მხოლოდ ხელისუფლების ცვლილების შემდეგ დაიწყო პირობების შექმნა. უამრავი წარმატებული სპორტსმენი ჰყავდა ჩვენს სოფელს, მაგრამ არ არსებობდა სივრცე, სადაც შეეძლებოდა ასპარეზობა ჩაგვეტარებინა და ვინმესთვის გვეჩვენებინა, ან სხვა რაიონებისთვის გვემასპინძლა. შემდეგ 2014 წელს „ქართუ ჯგუფმა“ საჩუქრად გადმოგვცა საჭიდაო არენა, ლითონის დასაწყობი კონსტრუქცია, რომელიც სოფლის ცენტრში დავამონტაჟეთ და მშენიერი სივრცე მივიღეთ საიმისოდ, რომ ჩვენმა სპორტსმენებმა ბრძოლები გამართონ. რამდენიმე სერიოზულ ტურნირს უკვე უმასპინძლა ამ არენამ. დღეს უკვე ვიხსენებ დროს გვაქვს იმის შესაძლებლობა, რომ ადგილზე ჩავატაროთ შეჯიბრებები და ხშირადც ვმართავთ. თავდაპირველად ხელფასიც არ მქონდა და ჩემი სოფლის და სპორტის სიყვარულით ვიმუშავე. დღეს ხელფასიც დამენიშნა, სპორტის სამსახური შეძლებისდაგვარად ყველანაირად გვეხმარება. ასეა მუნიციპალიტეტის ხელმძღვანელობაც.

ისევ სკოლის შენობას აფარებთ თავს, თუ სხვაგან ვარჯიშობთ?

რაც შეეხება ყოველდღიურ სამუშაო გარემოს, სკოლის შენობაში ის ოთახი ისევ გვაქვს, მაგრამ არ არის შესაფერისი გარემო. როდესაც ეს პრობლემა ახალ ხელისუფლებასთან დავაყენე, გადაწყდა, რომ ზემო ქედში მდებარე სტანდარტულ დარბაზში გაცილებით კარგი პირობებია და სამივე სოფელმა იმ დარბაზით ვისარგებლოთ, რაც უფრო ხელსაყრელი იქნება და დადებით შედეგსაც გამოიღებს. ერთადერთი პრობლემა ყოველდღიური ტრანსპორტირება რჩებოდა და მუნიციპალიტეტმა ადგილობრივი ბიუჯეტიდან დააფინანსა ისიც, რომ ყოველდღიურად გვექონდეს მგზავრობის ხარჯი. კვირაში ოთხჯერ მივდივართ და ვარჯიშებს ვატარებთ. ერთადერთი პრობლემა ისაა, რომ ტატამზე ვერ ვეტივით და იმედი გვაქვს ესეც გადაიჭრება. კიდევ ერთი პრობლემა დარჩა ზამთარში დარბაზის გათბობის საკითხი, ამის თაობაზე ჩვენი დეპუტატი, ირაკლი შიოლაშვილი დაინტერესდა, გვესტუმრა, ადგილზე ნახა პრობლემა და დაიგეგმა, რომ ზამთრისთვის გათბობა



გაკეთდება. სამომავლო გეგმების და ისევ ლაშას შესახებ მინდა გკითხოთ, რა მოლოდინი და გეგმები გაქვთ?

ლაშა ძალიან მშრომელი, მონდომებული ახალგაზრდაა და შემართებით ემზადება. სამომავლოდ მსოფლიოს პირველობაზეც მოსინჯავს ძალებს.

(დასასრული გვ.8)





1960 წლის ივლისი

არბოშივის მცხოვრებლებს მიშის ტყიდან მგლები შეეჩვიათ და თითქმის ყოველ დამ ცხვრებს იტაცებენ. კოლმეურნეობის უმცროსი ზოტეკნიკოსი ალექსანდრე ალადაშვილი მონადირეთა საზოგადოების აქტიური წევრია და თავისუფალ დროს ნადირობით ერთობა. ტყის მცველმა მას მგლის ნაკვალევი აჩვენა. ალექსანდრემ გულდასმით შეისწავლა. შემდეგ მგლის ხმით ისე ყოჟოდა, რომ ნადირი მოიხშო. პირველ დღეს მოკლა ორი დაგეშილი ლეკვი, ხოლო ხუთი დღის შემდეგ კი მგელი და კიდევ მისი ორი ლეკვი. ამრიგად გადაარჩინა საჭონელი. მან წითელწყაროს დაზარალების კანტორაში მიიტანა ტყავები და მიიღო 2 500 მანეთი, ჯილდო კი 400 მანეთი.

იმის მაგივრად რომ არხილოსკალოს მემინდრეობის ბრიგადირებს იოსებ კობაიძეს და იოსებ წიკლაურს მინდრეობაში ემუშავებინა, დასხდნენ მანქანაში და ზემო ქედის სასაუბრეში ამოჰყვეს თავი. ჯერ არყებითა და ლუღით შეზარხოშდნენ, შემდეგ კი ნუნუსს მიჰყვეს ხელი. ბოთლი ბოთლზე იცლებოდა და ბოლო არ უჩანდა. ამ დროს მათ მოჰყვეს ლევან ბაშარული, მან თავის ანგარიშზე რამდენიმე ბოთლი ღვინო მოითხოვა, რაც მასპინძლებმა იუკადრისეს და შეკამათდნენ, შემდეგ შეაგინეს. ეზოში გავიდნენ და ერთმანეთს ცემა დაუწყეს. ღვინოსგან გაღვნილმა კობაიძემ დანა იშოშლა დაეღვენა მოწინააღმდეგეს, რომელიც მუხლგლსთან ერთად შინ მიდიდა. ცოლი შეევედრა დაამინდო, მაგრამ სასიკვდილოდ დაჭრა ბაშარული. ამ ალბათობაში იმის ნაცვლად, რომ გაეშეღებინა, დაჭრილს წიხლი დაჭრა ვაჟა ბუთხუშმა, მიიმეღ დაჭრილი საავადმყოფოში წაიყვანეს მაგრამ რამდენიმე წუთში გარდაიცვალა. უმადლესმა სასამართლომ იოსებ კობაიძეს 10 წლით პატიმრობა, ხოლო ბუთხუშს 2 წლით პირობითი სასჯელი მიუსაჯა.

ჭაფარიძის კოლმეურნეობის მეფრინველეების რეკორდი, კვერცხმდებელ დედულზე ივნისისთვის საშუალოდ 122 ცალი კვერცხი მიიღეს. არადა წლიური ვალდებულება 140 კვერცხია. მეფრინველეები ამბობენ, რომ წლიურ გეგმას 1 აგვისტოსთვის გადააჭარბებენ.

ზემო ქედის ბიბლიოთეკა შესანიშნავ გარემოშია, მიდებარია წიგნადი ფონდიც, მაგრამ, წელს განსაკუთრებით მოიკოტლენ ბენ კულტურაშია. სისტემატიურად არ ტარდება მკითხველთა კონფერენციები, ლიტ წრეში მხოლოდ ერთხელ ჩაუტარებიათ მეცადინეობა. არც კვლევის გაზრთს გამოსცემენ რეგულარულად.

თავთავიანი კულტურების აღების პროცესში სახანძრო უსაფრთხოების წესების დაცვას ნაკლებ ყურადღება ემცემა. რამდენიმე გაფრთხილების მიუხედავად, ადგილზე შემოწმებისას გამოირკვა, რომ ტრაქტორებსა და ავტომანქანებს არ გააჩნიათ ხანძრის ქრობის საშუალებები. არც კომპანიებს აქვთ ცეცხლმაქრი, რაც აქვთ ისიც დაუმუშავია. არ ჰყავთ მოხალისეთა რაზმების უფროსი. წერილის გაზრთში გამოქვეყნების შემდეგ მიიღეს ზომები ნაკლოვანებების აღმოსაფხვრელად.


წარმატებას აღწევს სარეწაო მირზანის მენავთობები, მათ ნახევარწლიური დავალება 104,4%-ით შესრულეს და სახელმწიფო ფონდში შეიტანეს 380 ათასი მანეთი.

სტატისტიკის რაიონსპექცია თითქმის ყოველდღე ღებულობს და აგზავნის დეპეშებს, რომელთა მიღება-გადაცემაში დიდ დამახინჯებას უშვებს წითელწყაროს კავშირგაბმულობის რაიონტორა. 1 და 4 ივნისს გავგზავნეთ დეპეშა, სადაც დაამახინჯეს რიცხვები და დაზარალებული პროდუქციის ოდენობა მთლიანად არიეს. უარესი მდგომარეობაა მიღებულ დეპეშებში. ხშირად შინაარსის გამოტანა ტირს, შემდეგ თბილისში რამდენჯერმე ვრეკავთ, რომ ინფორმაცია დავაზუსტოთ და დეპეშის დირექტორებზე რამდენჯერმე მეტი დაგვეხარჯა, რომ ზუსტი შინაარსი გავგვეცა.

დაბა წითელწყაროში, „ჭარის წყალს“ გასულ წელს ნავი შეუქეთეს, მაგრამ წყაროს 1 მილი ვილაცამ მოაგლიჯა და წყლის აღება გაჭირდა. მოსახლეობა უკმაყოფილებას გამოთქვამს და საჭიროა ამ წერტილში-

ნის შეკეთება. ო „მდინარე იორთან, მინდორ ყარდოს ტერიტორიაზე გაჯის კომბინატმა აღმოაჩინა გაჯის მიწა. ანალიზებით გაირკვა, რომ ეს არის საუკეთესო ხარისხის მიწა. გაჯის კომბინატმა აქედან გამოშვებული პირველი პროდუქცია წითელწყაროს ქართულ საშუალო სკოლას გაუგზავნა. სულ მალე დაიწყება გაჯის მასიური გამოშვება. თვეში 500 ტონას გამოვწვავთ,“ - გვითხრა გაჯის საამქროს უფროსმა დ. შანშიაშვილმა.

1962 წლის ივლისი



ჟუანასკნელ ხანს დაბა წითელწყარო მნიშვნელოვნად ღამაზდება. ცენტრალური ნაწილში მას რუსთაველის ქუჩაზე ქართული საშუალო სკოლის ახალი ოთხსართულიანი შენობა შეემატა. აქ უფრო მეტი სივრცეა მოსწავლეთა განათლებისთვის. ო საღამო იყო, როცა არხილოსკალოში ივანე ბუჩუკურის სახლის ბუხრიდან ჯერ კვამლი, შემდეგ კი ცეცხლის ალი ავარდა. შენიშნა ქუჩაში მიმავალმა მეზუთე კლასის მოსწავლემ ა. კობაიძემ. იგი უფროსებთან გაიქცა ამის შესატყობინებლად. ხოლო მისი თანაკლასელები არ დაიბნენ და უფროსების მოსვლამდე ხანძრის ჩაქრობაში ჩაერთვნენ.

წითელწყაროს რაიონული კულტსახლის თეატრალური კოლექტივი საგასტროლოდ ლაგოდას ეწვია. წითელწყაროელებმა რაიონის ცენტრის და სოფლების მათრებელს უჩვენეს მდიდარი პროგრამა. იყო მოთხოვნა, კოლექტივი ხშირად ეწვიოს ლაგოდას.

სიღნაღის სახალხო თეატრის დრამატულმა კოლექტივმა სოფელ გამარჯვების მათრებელს უჩვენა სტეფანესის ვოდევილი „ჯადო“. დადგმა ისე დამაჯერებლად და მიმზიდველად იყო წარმოდგენილი, მათრებელი მოიხუხა. სცენას ბევრი მოხუცი დაესწრო.

1972 წლის ივლისი

ზემო ქედის კოლმეურნეობის მძღოლი გურამ აფციაური დილით მინდრეობაში მიავლინეს, კომბაინიდან მარცვლეულს ეზიდებოდა. მან ხელის მოთხოვა სცადა და დღისით, მზისით, ერთი მანქანა ხორბალი მიჰყავდა ბუდღანა მარგოშვილი და 200 მანეთი გამოართვა. ეგონა კვლავ იგი ამით დასრულდებოდა. მას, როგორც სამართალში ადრეც ნამუფეს, წითელწყაროს სახალხო სასამართლომ 2 წლითა და 6 თვით თავისუფლების აღკვეთა მიუსაჯა.

„ქალაქ წითელწყაროს ზრდასთან ერთად იზრდება მგზავრთა ნაკადი. ტრანსპორტის მუშაობა კი ხშირად უხერხულ და უსიამოვნო ფაქტორებთანაა დაკავშირებული. ქალაქში დილიდან გვიან დამდეგ მორიგეობენ ტაქსები, მაგრამ მგზავრებს დიდი გაჭირვება ან „სქელი“ კიბე უნდა ჰქონდეთ, რომ ისარგებლონ. მარტის მზესავით იშვიათად გამოჩენილი „წითელწყარო-ჭაფარიძის“ მარშუტზე მოძრავე ავტობუსი ვერ აკმაყოფილებს მოთხოვნას. მისი მოძრაობა ხშირად მძღოლის გუნება-განწყობაზეა დამოკიდებული. კარგი იქნებოდა ქალაქში რამდენიმე ავტობუსი მოძრაობდეს. რაიონის მოსახლეობის ბოსტნეულის მომარაგების მიზნით, კარგი იქნებოდა დაწესდეს ლაგოდას მარშრუტი „წითელწყარო-ლაგოდასი“, ეს კი შეიმცირებდა ბაზრის ფასებს,“ - წერს ჟურნალის უთრუთაშვილი.

9 საათზე მოტანილი პური გლეხებს ხელს ვერ შეუწყობს. ამ სათაურით რედაქციამ წერილი მიიღო. მასში აღნიშნულია, რომ ქედების ზონის მდებარეობაში პური ძალიან დაგვიანებით შემოაქვთ, ნაშუადღევს შემოტანილი პურით კი გლეხები შრომა დღეებში ჩაბმას ვერარ ასწრებენ. წერილი ზომების მისაღებად გადაგზავნა წითელწყაროს რაიკოპერატვს. გამგეობის თავმჯდომარე ამხ. ო. დათუკიშვილი იტყობინება, რომ წითელწყაროში მექანიზებული პურის საცხოვრების ექსპლოატაციაში გაშვების შემდეგ მდგომარეობა გამოსწორდება.

(სტილი დაცულია) მოამზადა ილია მარტყოფილი

ს ი ა ს ლ ე !

გახსნა კაფე-რესტორანი „ლაპიტი“ რომელიც მომხმარებელს სთავაზობს: ცხელ კერძებს, შაურმას, ნახშირზე შემწვარ თევზულსა და ხორცეულს, ბოსტნეულის მრავალფეროვან სალათებს და ცომეულს.

კაფე-რესტორანი იმომხმარებელს


აღგილზე მიტანის სერვისიც.

კაფე-რესტორანი აცხადებს ვაკანსიას სხვადასხვა პოზიციაზე 18-დან 40-წლამდე მამაკაცებისა და ქალბატონებისთვის. დამატებითი ინფორმაციისათვის მოგვმართეთ

მისამართზე: რუსთაველის ქუჩა №53, ან დაგვიკავშირდით:

☎ 577-34-55-39

ი ყ ი დ ე ბ ა !



იყიდება 67კვ.მ კომერციული ფართი ძველი რემონტით ქალაქ დედოფლისწყაროში, უზრუნველყოფილი ელექტროენერგიით, წყლით, ბუნებრივი აირით, კანალიზაციით. ფასი შეთანხმებით. მსურველები დაგვიკავშირდით ☎ 599 55-90-20



იყიდება კერძო, კაპიტალური სახლი დედოფლისწყაროში, სახლის ფართი 300 კვ.მ, გარემონტებული, 4 საძინებლით, 2 სველი წერტილით, სახლი უზრუნველყოფილია ბუნებრივი აირით, ელექტროენერგიით, წყლით, აქვს სათავსო, სარდაფი, ავტოფარეხი, 600 კვ.მ. ეზო. ფასი 100 000 \$.

☎ 599 55-90-20

დედოფლისწყაროს ილია ჭავჭავაძის სახელობის მნივობართა ასოციაცია ღრმა მწუხარებას გამოთქვამს, რომ გარდაიცვალა ამავე ასოციაციის წევრი, ლიტერატურის ტრფიალი და აქტიური მკითხველი, სიკეთით სავსე ადამიანი, მაღალი პროფესიონალიზმით გამორჩეული, შრომისმოყვარე და ოჯახის თავკაცი არსენ ისიდორეს ძე ყორიაშვილი და სამძიმარს უცხადებს შვილებს გორას და ნინოს, შვილიშვილებს არსენ და დათო ყორიაშვილებს, რძალს მარიკა პოპიაშვილს, მძახალს ნანა ჭიჭინაძეს და ახლობლებს. დაიკრძალა 13 ივლისს, ქალაქ დედოფლისწყაროში, ბარათაშვილის ქ. N13.

გაზეთ „შირაქის“ თანამშრომლები თანაგრძობას უცხადებენ ნანა ჭიჭინაძეს მძახლის არსენ ყორიაშვილის გარდაცვალების გამო.

დედოფლისწყაროს მუნიციპალიტეტის გამგეობა თანაგრძობას უცხადებს ნანა ჭიჭინაძეს მძახლის არსენ ყორიაშვილის გარდაცვალების გამო.

რეზო მიშველაძე, მაყვალა გონაშვილი, მზია ხეთაგური, თემურ ჩალაბაშვილი, ეთერ ფაცურია, ნანი საბანაძე თანაგრძობას უცხადებენ ნანა ჭიჭინაძეს მძახლის არსენ ყორიაშვილის გარდაცვალების გამო.

ვახუშტი ქიზიყურაშვილი, ვაჟა მაიაშვილი, თამაზ კობაიძე, ბაკურ გულუა, გოდერძი გონაშვილი, ილო თუშიშვილი, იაგო ყორიაშვილი თანაგრძობას უცხადებენ ნანა ჭიჭინაძეს მძახლის არსენ ყორიაშვილის გარდაცვალების გამო.

მარინა ცხვედიაშვილი და ჯემალ კუხალაშვილი გულწრფელ სამძიმარს უცხადებენ ქალბატონ ნანა ჭიჭინაძეს, მარიკა პოპიაშვილს და გორა ყორიაშვილს მძახლის, მამამთილის და მამის არსენ ყორიაშვილის გარდაცვალების გამო.

დედოფლისწყაროს მუნიციპალიტეტის გამგეობის განათლების, კულტურის, ძეგლთა დაცვის და ახალგაზრდობის საქმეთა სამსახურის თანამშრომლები თანაგრძობას უცხადებენ ნანა ჭიჭინაძეს მძახლის არსენ ყორიაშვილის გარდაცვალების გამო.

შვილები: დავითი, ნიკოლოზი; შვილიშვილები: ხათუნა, ვაჟა, ლიკა, ზურა; რძლები: ნანა, ლელა, ეკა, ლელა; მზული სპირიდონი, სიძე ირაკლი. შვილთაშვილები: დათა, ნუცა; დისშვილები, მახლობლები ოუნყებთან, რომ გარდაიცვალა ლიზა (ლიზიკო) ლაკიაშვილ-ტოკლიკიშვილი. დაიკრძალა 13 ივლისს, სოფელ სამრეკლოში.

ლაშა ბექაური — ევროპის ჩემპიონი

(შეექცე გვერდიდან)

ჩილეში გაიმართება მსოფლიო ჩემპიონატი და ლაშა აქაც მიიღებს მონაწილეობას. 5 აგვისტოს უნდა გაემგზავრონ და 11 აგვისტოდან შეჯიბრებები დაიწყება. მანამდე ლაშამ ყველა შეჯიბრი წარმატებით გაიარა და წარმატებების მოლოდინი ნამდვილად მაქვს. რუსეთში, პოლონეთსა და ლიტვაში მისი ასპარეზობა წარმატებული გამოდგება და დარწმუნებული ვარ, ჩილეშიც მიაღწევს წარმატებებს. უნდა ითქვას, რომ ქვეყნის საზღვრებს გარეთ, გასულით ჩემპიონატებშიც საკმაოდ დიდი გამოცდილება დაუგროვდა, ამიტომ სრულიად რეალური მოლოდინი მაქვს, რომ მედლის მოსაპოვებლად აუცილებლად იბრძოლებს. იმედი გვაქვს, აგვისტოშიც კიდევ ერთხელ გაგვახარებს, ჩვენს სახელს შორს გაიტანს და ქვეყანას წარმატებებს მოუტანს.

ქედების ზონა ფალავანთა სიმრავლით ყოველთვის გამოირჩეოდა. მიუხედავად იმისა, რომ ხელშეწყობაც არ გაქვთ და სხვა ქვეყნის სპორტსმენები საუკეთესო პირობებში



იზრდებიან, ქართველები მაინც ამარცხებენ მათ, როგორ ახსნით ამ ფაქტორს?

— პირველ რიგში ეს არის ჩვენი ქვეყნის სიყვარული, რაც თითოეულ ჩვენგანში ჭარბად დევს და მითუმეტეს სპორტსმენებში ეს გრძობა ყოველთვის მძაფრია. დაუოკებელი სურვილი გვაქვს, ყველას დავემტკიცოთ და ვაჩვენოთ, რომ მებრძოლი ვართ. საოცარი გენეტიკის და დიდი წარსულის მქონე ვართ, რომელსაც დიდი ტრადიციები გადმოგვცა და ამ განწყობით ვახერხებთ საუკეთესო შედეგების დადგებას. ძირითადად ფსიქოლოგიური განწყობებით ვახერხებთ ამას, რადგან ჩვენი სპორტსმენები, თუნდაც არანაირი ხელშეწყობა არ ქონდეთ, მაინც კარგ შედეგებს გვაჩვენებენ. გეთანხმებით, ჩვენს კუთხეში, ჩვენს სოფლებში ძალიან სპორტსმენთა რაოდენობა ცხოვრობს. დიდი ტრადიციები გვაქვს ამ კუთხით და მრავალი წარმატება ახსოვს ისტორიას. ძალიან ფასობს თითოეული წარმატება და ზოგადად, ადამიანების ინტერესი სპორტისადმი. ქედების ზონა საზღვრისპირა დასახლება და ბედნიერი ვარ, რომ ახალ თაობაშიც მუდმივად ძლიერად ჩანს სპორტისადმი ინტერესი. ეს არა მოყვარულის დონეზე, არამედ პროფესიონალურად, დიდ ასპარეზზე ფიქრით. მიხარია, რომ თითოეული ბავშვი ქუჩას ჩამოშორდება, სპორტში ჩაებმება და ამისათვის კონკრეტული მიზანი ექნება. გემეზში მანვე ჩვევების ნაცვლად ჯანსაღი ცხოვრების წესით იცხოვრებს, შეძლებენ გამოაჩინონ თავისი სოფელიც, კუთხეც და სამშობლოც. ამ მუხტს ნამდვილად ვხედავ და კმაყოფილი ვარ ახალი თაობის ინტერესით. იმედია ვარ. ჩვენი სოფლიდან ერთერთი მიხეილ ჩოხელი იყო, რომელიც მანამდე მსოფლიოს და ევროპის ფინალი იჭიდავა და მეორე ადგილს დასჯერდა, ვერცხლის მედალი მოიპოვა. იყვნენ ასევე ძმები ბექა და გიორგი ნათათრალაშვილები, რომლებიც მსოფლიოს პრიზიორები და ევროპის მეორე



პრიზიორები გახდნენ. ახლაც ისეთი იმედისმომცემი თაობაა, რომ ვერ აღვწერ. ლაშას წარმატებების შემდეგ დიდი სტიმული მიეცათ. ლაშას ვიდუოკადრებს რომ უყურეს, მას შემდეგ თავად მოდიან და ყოველდღიურად მეკითხებიან, როდის განვაახლებთ ვარჯიშს, ერთი სული აქვთ. როგორც ჩანს ძალიან იმოქმედა მისმა წარმატებამ და იმედი ჩავსახათ, სხვანაირი შემართება ჩანს. მე იმედი მაქვს, რომ ეს ბავშვები ხვალ თუ ზევ ჩვენს რაიონსაც ასახელებენ და მთელს საქართველოსაც.

ილია მარტყოფლიშვილი

სპორტი ეს ჯერ კიდევ დასაწყისია

დედოფლისწყაროს რეგიონალური ფედერაციის კლუბმა „ლეგიონმა“ მიმდინარე წელს ბევრ საერთაშორისო, ევროპის და საქართველოს მასშტაბის ტურნირებში მიიღო მონაწილეობა და მაღალი შედეგებიც დადო-მოხსნა რეკორდები და სხვადასხვა სინჯის მედლებიც მრავლად მოიპოვა. კლუბს გამოცდილი მწვრთნელი, თავადაც არაერთი პრიზის და ჯილდოს მფლობელი მიხეილ სხნიაშვილი ხელმძღვანელობს. უდავოდ მისი დამსახურებაა ეს წარმატებები. სწორედ ასეთი მიღწევებით წარსდება კლუბი 23-25 ივნისს მსოფლიო ჩემპიონატზე ძალისმიერ სამჭიდში — I PSV-ს ვერსიით, რომელშიც მსოფლიოს 8 ქვეყანა - ირანი,

თურქეთი, აზერბაიჯანი, სომხეთი, რუსეთი, უკრაინა, კუვეიტი და საქართველო მონაწილეობდა. 300 სპორტსმენი ტოლს არ უდებდა ერთმანეთს. „ლეგიონის“ ლირსებას 8 სპორტსმენი იცავდა, თუმცა, რეალურად, 20 მონაწილის გაყვანაც უპრობლემოდ შეიძლებოდა ფინანსების სიმწირეს რომ არ შეეშალა ხელი. მაღლობა მშობლებს, რომლებმაც ამ 8 სპორტსმენის მონაწილეობა ფინანსურად უზრუნველყო. სპორტსმენებმაც იმედი არ გაუცრუეს და ნაყოფიერად იასპარეზეს. ისინი რამდენიმე დისციპლინაში გამოვიდნენ: ძალისმიერ სამჭიდში, ორჭიდში და ცალკე. მიუხედავად იმისა, რომ ირანელი მსაჯები არცთუ მთლად

კეთილსინდისიერად იქცეოდნენ და სპორტსმენებსა და მწვრთნელებს არ აფრთხილებდნენ იმ ცვლილების შესახებ, რომელიც მსურსების ტენიკაში და სხვა ორგანიზაციულ საკითხებში შეჭქონდათ, ჩვენმა სპორტსმენებმა, მწვრთნელის ხელმძღვანელობით, ბოლომდე უკომპრომისოდ იბრძოლეს წარმატებისათვის. პირველი საასპარეზოდ დადო ტყუასპეცი გავიდა. ის 10 წლი-საა და 35 კილოგრამს იწონის. მას დაუპირისპირდა აზერბაიჯანელი სპორტსმენი, რომელიც ამკარად დიდი იყო ასაკითაც და წონითაც, მაგრამ მონაცემები გაყვამბული ჰქონდა. პირველ ეტაპზე მან სერიოზულად გაუსწრო ლა-დოს, მაგრამ ლადომ ფარხმალი არ დაყარა და შემდეგ ეტაპზე სრულად ამოქაჩა სხვაობა და 1 კილოგრამით დაამარცხა კიდევ-ლადომ ოქროს მედალი დაიმსვენა მკერდი. როგორც ყოველთვის, შესანიშნავად იასპარეზა ევრო-პის ჩემპიონმა ნუკრი ქოზაშვილ-მა, რომელმაც, საბოლოო ჯამში, 3 ოქროს მედალი დაიმსახურა. სამი ოქროს მედლის მფლობელები გახდნენ ზუკა ნიპომნიშვილი და ოთარ გავაშვილიშვილიც, ორ-ორი ოქროს ქამიდან ისმაილოვის და ანრი ყარაულაშვილის სახელზეა, ერთი ოქროს და ერთი ვერცხლის მედლები გახდა ბესიკ ყოჩიაშვილი, ერთი ვერცხლი ვალერი ჯავახიშვილს ერგო წილად. სა-ბოლოო ჯამში საერთაშორისო ტურნირიდან 8 სპორტსმენმა 15 ოქროს და 2 ვერცხლის მედალი

ჩამოიტანა. გულდასაწყვეტია, რომ დაუფინანსებლობის გამო შეჯიბრზე ვერ წავიდნენ ძალიან კარგი მონაცემის სპორტსმენები: მიმიკო აკიმენკო, ილია მოსემი-ლი, ვასიკო ჩივაძე, ნიკა ბენაშ-ვილი, გაა შაშვიაშვილი, გიორგი ხუციშვილი, გიორგი ქართველიშ-ვილი, ზაურ გურაშვილი, ილია ლაპიაშვილი, რევაზ ლვედაშვი-ლი, ნიკა შიუკაშვილი, გიორგი ჯალიაშვილი, ვლადიმერ ბონდ-არენკო, რომლებსაც არანაკლები რეზულტატის დადგა შეეძლოთ. დედოფლისწყაროს გუნდი „ლე-გიონი“ საქართველოში ერთ-ერთი საუკეთესოა და მას მხარში დგომა და დაფასება სჭირდება. გუნდმა მარტო მიმდინარე წელს საქართველოს ჩემპიონატზე 19 ოქროს და 2 ვერცხლის მედალი

მოიგო, საერთაშორისო ტურნირ-ზე - 13 ოქრო და 2 ვერცხლი, ევროპის ორგზის ჩემპიონი გახ-და და რეკორდი დაამყარა ნუკრი ქოზაშვილმა და ამასახლა გუნდის მიერ მოპოვებული მსოფლიო დო-ნის 15 ოქრო და 2 ვერცხლი დაე-მატა. 1 აგვისტოს დედოფლისწყა-როში გაიმართება კახეთის პირ-ველობა, სადაც გუნდი სრული შემადგენლობით იასპარეზებს და იმედს გამოვთქვამთ, რომ არა მარტო ლაშას სანახაობას, არა-მედ მაღალ სპორტულ მაჩვენებ-ლებსაც დადებენ. ვუსურვოთ მათ წარმატებები და დავუდგეთ მხარში ეკონომიუ-რად ვისაც რით შეგვიძლია.

ნაირა გორაშვილი

ულოცავთ!
მანია ღვინაშვილს!

15 ივნისს შენ 98 წლის გახდი. ცხოვრების დიდი გზა გაიარე, იმრომე, ილ-ვანე, გაზარდე შვილები, შვილიშვილები, მოყვარულნი შეილთაშვილებს. ძნელია სიბერე, ჯანის ტკივილი, მაგრამ მაინც ფეხზე დგახარ ჩვენს საიმედოდ, რადგან, ვიდრე დედა გყავს, არ დავბერდებით. გვინდა, იყო კვლავაც მხნედ და ასი წლის იუბილე მოგილოცოთ, ჩვენო ბერძენებო. გვიყვარხარ და ვეფერებით შენს ჭაღარას. უფალი იყოს შენი შემნე.

შვილები: ნუნუ და მარინა ღვინაშვილები,
შვილიშვილები: მიხეილ სხნიაშვილი და დათო პაქსაძე,
შვილთაშვილები: ნუნუა და ნიკი სხნიაშვილები, ლუკა პაქსაძე, დეგი, დისპიშვილი და ახლოშვილი.



ამინდი		დედოფლისწყარო	
ორშაბათი 17.07 დღე	სამშაბათი 18.07 ღამე	ოთხშაბათი 19.07 დღე	სუთშაბათი 20.07 ღამე
26°	24°	27°	25°
პარასკევი 21.07 დღე	შაბათი 22.07 ღამე	კვირა 23.07 დღე	ღამე
28°	25°	28°	26°

გამომცემელი შპს „შირაპი“ დირექტორი ინგა შიოლაშვილი რედაქტორი ნაირა გორაშვილი-პოპიაშვილი წერილში მოყვანილ ფაქტებსა და ციფრებს პასუხს ავებს ავტორი.	სარედაქციო კოლევია: ლალი მხარაშვილი, ილია მარტყოფლიშვილი (ჟურნალისტიკა); ელზა ხარაშვილი (სტილისტ-მენეჯერი); ნათია ზოსტაშვილი (ბუღალტერი); ნინო ჰანაშვილი (ოფის-მენეჯერი); მზინა ქანაძე (დისტრიბუტორი); ზურაბ ბუნაშვილი (კომპიუტერული უზრუნველყოფა). გაზეთი აიწყო და დაკაბადონდა „შირაპის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს. „სამშობლოს“ სტამბაში.	რედაქციის მისამართი: ქალაქი დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 591-97-73-26 (რედაქტორი)	რეგისტრირებულია დედოფლისწყაროს რაიონის სასამართლოს მიერ, №6014-468.
--	---	---	---